

九
五言律

五言排律

十
七言律

十一
七言律

皇明詩選

九之十一



皇明詩選卷之九

李 雯舒章氏



雲間陳子龍臥子氏同撰

宋徵輿轅文氏



五言律詩三

王世貞 四見

轅文曰元美五言律法不掩意意不礙法亦是作家

銅雀伎

往事秦雲逝。深恩漳水流。月歸金鴈冷。風至玉

衣秋粉黛年年薄。絃歌夜夜愁。誰同漢武帝。還向茂陵游。

舒章曰三四句冷然高出

出塞

不斷穹廬色。檀槽壓酪漿。俄聞五校至。去逐六
羸亡。蒲類天如赭。燕支月似霜。前軍又饒吹。生
得左賢王。

韓文曰

鮮麗

均美兄之分宜丞取道歸里

河端置別筵。把袂未能捐。落日邊烽出。孤星海
樹懸。干戈淹歲月。舟楫任風烟。直有連枝淚。疇
吟春樹篇。

張中貴談 武廟時事有感

老病張中貴。曾陪內教場。五營徵介士。六部選
名倡。白馬平陽月。瑯戈青海霜。怕歸長信謁。語
語是先皇。

臥子曰結到

先帝有章法

初秋夜坐有感示于鱗

不寐宵聲發。孤吟秋色來。關城羽林騎。鍾鼓相
梁臺。世事文章遠。鄉心戰伐催。長安李生在。猶
可對銜杯。

送彭進士謫江右

何處滕王閣。遙維八月舫。雨飛南浦綠。雲入大
江青。憶遠憑春樹。占程問客星。待君重有賦。慎
莫恨飄零。

渡江即事有感

吳楚一江合。風烟萬里開。秋天鸚鵡筆。日莫鳳
凰臺。流落猶驚世。英雄始忌才。如何對玉軫。絃
絕重徘徊。

登太白樓

昔聞李供奉。長嘯獨登樓。此地一垂顧。高名百
代留。白雲海色署。明月天門秋。欲竟重來者。潺
湲濟水流。

韓文曰結

得高深

得家君楚中信

不見衡陽鴈。新年入夏初。忽逢江上信。疑是夢

皇明詩選 卷之九
中書楚甸春衣薄。燕山夜枕虛白雲。猶在眼。凝望意何如。

臥子目
流麗

西山道中有感

驅馬度潺湲。聲從亂葉間。高秋出遠戍。落日滿諸山。寢殿金爲室。長城玉作關。垂衣先帝業。回首愧朝班。

舒章曰。結有大臣風度。

濮陽李明府自新喻再寄予詩。茲以觀事。

駐城外。屬時禁。方嚴不得出。視。悵然有懷。

萬里君南去。新詩得共誇。如何近帝里。轉似隔天涯。霜白楓難改。雲黃日易斜。還期載春酒。同醉洛陽花。

送姜君之衡山令

爾去神明宰。青山治不難。祝融天一線。石柱雨千盤。鴈自南荒盡。鳧還北極看。中臺今太史。應識漢郎官。

皇明詩選 卷之九
中書楚甸春衣薄。燕山夜枕虛白雲。猶在眼。凝
望意何如。

臥子目
流麗

西山道中有感

驅馬度潺湲。聲從亂葉間。高秋出遠戍。落日滿
諸山。寢殿金爲室。長城玉作關。垂衣先帝業。
回首愧朝班。

舒章曰。結有
大臣風度。

濮陽李明府自新喻再寄予詩。茲以觀事。

駐城外。屬時禁。方嚴不得出。視。悵然有
懷。

萬里君南去。新詩得共誇。如何近帝里。轉似
隔天涯。霜白楓難改。雲黃日易斜。還期載春酒。
同醉洛陽花。

送姜君之衡山令

爾去神明宰。青山治不難。祝融天一線。石柱雨
千盤。鴈自南荒盡。鳧還北極看。中臺今太史。應
識漢郎官。

寄答峻伯

殷勤吳季子。尺素為予言。春水初平。雲蘭舟。直
到門。星歸豫章駕。人臥桃花源。獨有新詩就。誰
堪細討論。

臥子曰三四

句寫景妍麗

送顧舍人使金陵還松江

汝豈因鱸膾。吾曾識鳳毛。青雲歸暫得。白雪和
誰高。海色鍾山雨。秋聲笠澤濤。南征有諸將。為
語聖躬勞。

舒章曰真得子美之深

上谷雜詠

尚憶譚家馬。驕嘶紫塞中。虜廷愁漢月。邊羽快
秋風。一戰人誰得。孤城地已空。不知麟閣上。寂
寞漸誰功。

寒食冶園道過大馮子

客路兼寒食。千秋雨雪霏。俱言仲春盡。怕是落
花飛。禁火柴門掩。穿雲獵騎歸。向君需社酒。還
復理冬衣。

韓文曰三四作情語
不覺其工而自工

過冶泉

偶經盤石坐下。有暗泉過。受月苔陰少。分雲竹
色多。幽巖答樵斧。小屋見漁簑。不淺滄浪興。風
塵可奈何。

答于鱗立春日齋居對雪見懷

春雪覆江干。江城春未闌。洩雲千雉合。迎日萬
花殘。鴈色懸秋曙。雞聲破夢寒。如聞郢中調。祇
為和人難。

韓文曰起調渾
逸景色亦佳

遇史蘭谿姑丈

蕭然歸騎單。相顧各汎瀾。旅食關愁近。風塵認
面難。老能逢盛世。貧且傍微官。舊業桃花塢。春
深正耐看。

舒章曰
老逸

過定遠問功臣遺跡有感

甲第杳非故。子城餘至今。燒痕寒不泯。沙色晝
常陰。無復風雲蹟。偶然天地心。孝陵迴首處。

紫氣一何深。

臥子曰：渾朴之調難其沉着五六句亦老。

謝榛 再見

韓文曰：茂秦五言律似勝諸名家然句法篇法未免束縛神情不能出四十字外此其所以不及也。要之空同大復昌穀于鱗外亦無其倫。

武皇巡幸歌

齊魯巡遊地。蒼生見紫微。晴雲隨鶴舫。春水照龍衣。柳畔千官擁。沙邊七校圍。觀魚移白日。鼓吹月中歸。

歐子曰：明麗如畫。

其二

玉輦衝寒色。蕭蕭八駿鳴。兔河冰上過。狐嶺雪中行。撫劍羣胡遁。彎弓百獸驚。當年赤帝子。空到白登城。

韓文曰：結似頌而規得風人之旨。

榆河曉發

朝暉開衆山。遙見若庸關。雲出三邊外。風生萬馬間。征塵何日靜。古戍幾人閒。忽憶棄繻者。空

慙旅鬢斑

舒章曰第四句是生而穩

北征

朔氣犯征裘。旌懸大漠秋。亂山通驛道。殘日照邊樓。白骨幾年戰。黃雲終古愁。夜來烽火急。驕虜寇并州。

舒章曰第六句寓慨壯遠

送樊侍御文叙之金陵

地入維揚路。天分牛斗墟。秋帆二水外。春草六朝餘。冰雪生官舍。風塵走諫書。從來經國者。寧不念樵漁。

轅文曰明秀如輕霞曉山

送張子畏使太原

六月皇華使。千年白日陰。雲連汾水闊。馬度井陘深。大將防邊策。明王賞士心。茂先有雄劍。昨夜作龍吟。

秋夜柬李通政子漸

燕地逢君晚。秋來樽酒期。桂花相對夜。烽火共

憂時。月隱長安樹。雲低太液池。誰能上封事。獨有納言知。

臥子曰朝京官章奏本不從納言觀結語茂秦老公卿間於朝常亦未了了

元夕道院同公實子與于鱗元美子相五

君得家字

長空月正滿。遊騎隘京華。夜火分千樹。春星落馬家。乘閒來紫府。垂老問丹砂。笙鶴歸何處。依稀見彩霞。

舒章曰第四句不減雲裏帝城一騾

臥子曰神情閒勝

送許中丞歸關中

官起煙塵際。身歸兵甲餘。曉星隨去馬。春雪上行車。二水堪垂釣。三峯更著書。野雲應不散。長繞杜陵居。

暮秋大伾山禪院同孟得之盧次榎醉賦

勝遊隨故侶。幽興在禪林。石上晴雲起。松間晚磬沉。青山無久客。黃菊有歸心。我亦悲秋者。樽前學楚吟。

韓文曰幽
響特新

晚眺

寒日下西陵。漳河晚渡冰。孤城歸獵騎。雙樹隱
禪燈。野眺心何遠。巖棲老未能。翻憐戎馬日。愁
思坐相仍。

舒章曰壯心靜理
能于晚景寫出

北望

鼓角昏黃過。關山太白高。往來驕虜數。賞罰
聖心勞。俠士惟龍劍。材官幾豹韜。城雲自寒色。

時擁漢旌旄

七夕敬二君餞別得秋字

北斗掛城頭。明河迥不流。人間清露夜。天上白
榆秋。聚散多岐路。悲歡自女牛。誰知老來拙。回
首故鄉樓。

韓文曰
秀健

贈周子才

太原文事苦。桃李兩逢春。紫塞北連晉。黃河西
限秦。多憂繫國遠。有道在官貧。定識王通輩。收

爲經濟臣。

送王端甫歸蒲坂

惜別京華道。秋風送馬蹄。日斜孤鴈外。家遠萬
峯西。歸計聊樽酒。行歌且杖藜。何時首陽下。共
爾弔夷齊。

韓文曰此公以干謁取
譏結句乃強作意氣

登榆林城

憑高望不及。天外一鴻過。萬嶺夕陽盡。孤城寒
色多。蘆笳滿亭堠。羽檄度關河。遙憶龍庭士。嚴
霜正荷戈。

送范中丞堯卿鎮贛州

朔鴈催行色。江天入望遙。旌飛秋草岸。船壓夕
陽潮。有賦思梁宴。虛心聽楚謠。霜威及嶺外。千
里瘴煙消。

又

九月虔州去。天南宿霧開。揚帆生遠思。秉鉞見
雄才。地轉三吳盡。山連百粵迴。夜深瞻北斗。獨
上鬱孤臺。

每章曰兩詩結語各有大體不止獻酬

韓文曰起手老致

張參政仲安進表還蜀九日過鄴失會賦

此贈別

北上千秋籙。西歸萬里橋。黃花空有約。綠酒不
同宵。樹擁秦雲斷。山懸蜀棧遙。艱難杜老在。莫
謾簡書招。

送張太僕熙伯視馬畿內

同馭巡畿甸。飛旌指戍樓。共傳天馬異。寧復大
宛求。月照昆吾冷。風生苜蓿秋。張衡有詞賦。獨
繫漢家憂。

李行人元樹宅同謝張二內翰話洞庭湖

南望岳陽郡。蒼茫吳楚分。帆迴孤島樹。樓出九
江雲。落日波中沒。秋風天外聞。何時采蘋藻。湖
上弔湘君。

舒章曰物色自合如此但用之結語襟情自遠

送朱邦憲還海上

送君不可住。霜露滿幽襟。醉後登樓賦。天涯抱

玉心江門開晚色。海樹帶秋陰。歸去鶴亭上。遙聽吳會吟。

臥子曰意

景凄爽

居庸關

控海幽燕地。彎弓豪俠兒。秋山牧馬處。朔塞用兵時。嶺斷雲飛迥。關長鳥度遲。當朝有魏尚。復此駐旌旗。

韓文曰詢

是合作

舒章曰開合有章

法不止字句之工

春夜過王侍御子梁宅時將按河南

易棲官舍靜。步屨偶經過。宿霧浮金闕。春星動玉河。交情別後重。逸氣醉來多。好去梁園道。因風寄薜蘿。

臥子曰宿霧一聯

明秀直是右丞

留別陳大參粹中

征驂聞早發。客自塞門歸。天暝鳥棲樹。城寒雪擁扉。美人仍兩地。春夢不相違。獨賦關山月。茫茫共素輝。

暮秋同馮直卿秦延獻李士美遊黃花山
深入黃花谷。高臨玉女臺。迎人千嶂出。隨意一
樽開。寒露垂瑤草。秋風掃石苔。子長耽勝絕。猿
鳥莫相猜。

舒章曰五六
幽秀絕倫

南巡歌

南楚旌旗合。黃塵走百官。天王重巡幸。民物識
艱難。馳道春風動。行宮夜月寒。萬年垂拱意。歌
頌入長安。

大梁冬夜

坐嘯南樓夜。孤燈客思長。人吹五更笛。月照萬
家霜。歸計身多病。生涯鬢易蒼。征鴻向何許。春
意滿湖湘。

古怨

楊花日飄蕩。能復幾何春。遠道寧知妾。流年不
待人。片雲橫上國。獨鳥下西秦。無奈懷君意。清
江採綠蘋。

臥子曰五其間
六新矯

韓文曰結意本之
三百篇何其閒麗

渡黃河

路出大梁城。關河開曉晴。日翻龍窟動。風掃鴈沙平。倚劍嗟身事。張帆快旅情。茫茫不知處。空外權歌聲。

鳳凰山

青山抱靈秀。曾有鳳凰來。鳳去海天迥。梧桐花自開。五雲當日散。百鳥至今哀。惆悵空原暮。長風送客迴。

奇章曰從無
情寫出有情

送欽水部子辰之沛中

清標憐水部。南去意何窮。樹色分淮甸。河流見禹功。亂帆春草外。古堞暮雲中。感慨登臺處。蕭蕭起大風。

韓文曰
結悲渾

登樓北望懷郭學士質夫李吏部一元

李郭風騷匹。登樓獨悵然。黃花秋滿地。白鴈夕橫天。玉闕雲霄外。金門日月邊。疎狂燕趙客。早

晚賦甘泉

舒章曰三四賦景
乃使人心目明壯

送黃明府之舒城

南浦揚帆去。舒城近得君。縣花當晝寂。琴月度宵分。才自巴陵見。名從鄂渚聞。于今楚父老。相憶隔江雲。

臥子曰應酬之作難此秀穩

敬軒誠軒攜酒見過西巖西池同賦

日落寒城閉。天空倦鳥歸。高樓纔暝色。新月亦酒過。玄暉。

韓文日格法自老

徐中行 再見

春夜席上懷茂秦同于鱗子相公實元美

賦一首

嘯侶當春夜。懷君鬱未開。談天鄒衍去。蹈海魯連回。把袂頻燕市。傳書斷雀臺。西園明月在。應憶建安才。

送憚僉憲先世之楚

開府今羊祜。浮湘自馬遷。山陵通王氣。江漢接人煙。月滿沱潛渚。花明雲夢田。蘭臺千載賦。郢調幾時傳。

韓文曰秀而不弱

吳國倫 四見

臥子曰明卿五言律頗近大復

塞上曲

飛將出龍城。風高萬馬鳴。長驅隴右絕。一戰幕

南平敢愛擒。王力非邀拓。地名捷書報。天子

封拜滿神京。

韓文曰結語不平亦有含蓄

燕京遊俠

白面誰家子。青樓大道過。英聲三輔動。俠氣五陵多。生歿憑交結。恩讐起笑歌。胡姬將進酒。為樂夜如何。

舒章曰通體矯健

灤河候舟

此行心屢折。騎馬問津還。咫尺符離道。迷茫灘
水間。浪中寒。白日樹底落青山。一片風帆影。飄
飄不可攀。

登赤壁有感

風流蘇學士。所至癖登臨。赤壁雄荆楚。滄江見
古今。石懸官閣外。帆迫女墻陰。尚有垂竿者。能
知戀闕心。

轅文曰實事
不嫌宋人

宿赤烏觀

木落空山裏。蕭然古法堂。何年黃鶴去。此地赤
烏翔。劍色澄秋水。鐘聲散夕陽。應悲宦遊客。騎
馬逐風霜。

臥子曰
整秀

匡山即事

移官復此地。萬里自君恩。未即辭彭澤。猶能
憶蘄門。兒年湖上長。宦蹟洞中存。蹇拙非無意。
難從達者論。

寄章曰士牛之
語道得蘊藉

歷陵公館

暮雲銜馬首。迢遞入山城。細雨蒲塘色。西風石鼓聲。雄心疲道路。病骨強簪纓。巷哭何為者。乾坤未解兵。

秋日匡山

采采涉江去。芙蓉秋水寒。如何雜佩色。難共美人看。灑淚題雲錦。含情束素紈。不知彭蠡鴈。曾得到長安。

韓文曰秀逸可喜
結語情致自佳

初還山中于鱗元美自青齊遣使見慰賦

答

五老忽相失。秋風歸去來。頗無遷客態。猶使故人哀。白雪開書札。浮雲過酒杯。岱宗高不極。東望日徘徊。

入魏郡

野色澹無際。孤雲逐馬來。路縈千柳出。城挾兩河開。雨氣含沙麓。烽烟入魏臺。寒帷問故老。誰復羨龍才。

臥子曰
可誦

王使君子薦招飲范氏池亭

闌圃黃華曲。招遊藉使君。山形飛不定。花氣鬱難分。石上揮殘雨。波間醉白雲。閩南多戰鼓。莫令此中間。

溪行達延津

放船奔如駛。鹿溪便鶴溪。榔鳴千石裏。蓬掛七臺西。岸樹青相逼。汀蘋綠未齊。山家兵火後。今始問鋤犁。

舟中望黃谿山瀑

倚棹看懸瀑。蒼波十里寒。玉龍飛不去。銀漢瀉初殘。響落層雲裏。陰浮萬樹端。幽懷一以愜。合是使君灘。

舒章川川
事穩雅

宿順昌

三舍昭陽道。其如風雨何。白雲春望合。芳草暮寒多。造次停車騎。蕭疎向薜蘿。山城更漏永。歌枕問明河。

轅文曰調近錢劉而秀矯勝之

奉送龐中丞巡行五路屯鹽

羣收非虛讓。天王已借籌。便宜搜粟令。清切負薪憂。萬馬鳴秦塞。雙熊歷禹州。歸來慰宵旰。不齒富民侯。

轅文曰五六

掌故語巧合

自橫浦度大庾嶺寄謝馮汝言方伯

橫浦窮江界。中原入望孤。罪應投絕域。身漸老泥途。馬首蠻雲合。崖間越鳥呼。寄情章貢水。千折下彭湖。

訖子曰

悲而真

量移貴州

十年淹臥閣。一日謝專城。賦擬浮湘去。官同瑜蜀行。猿啼諸葛寨。鳥集夜郎兵。只藉修文力。遙伸報主情。

南華寺

聞道安禪處。傳燈自楚歸。獨留金象在。曾跨玉龍飛。大地開迦葉。番王贈衲衣。曹溪如有意。九

皇明詩選 卷之九
曲抱煙扉。

倚章曰
新秀

登溜沙關絕頂

捫石開雲頂。臨關俯日華。萬峯隨馬駐。一劍倚空斜。礪道分青瘴。岩泉沸白沙。逢人多卉服。疑已近仙家。

王幼明隱居高真菴屬贈

不覩遺榮賦。誰知好道心。巢雲開石室。采露入青林。遂與世人絕。杳然仙路深。浮丘如可遇。吾意亦招尋。

百文 濟瀆

淪濟從王屋。重源百里通。由來浮磬出。只與濫觴同。玉漱西山脉。珠騰北海宮。古今嚴瀆祝。一勺自神功。

丁酉 靳春江上謁禹廟

山遶鴻沙曲。城憑鳳嶺孤。古祠銜絕磴。飛浪灑平蕪。萬里來江漢。千門過舳舻。可知神禹蹟。浩蕩古來無。

韓文曰 完作

平蕪南巖宮。五對千門並。嶺巖四代輝。西望出
循崖。俱斗折。度隴忽雲蟠。石捧元君殿。霞封太
乙壇。萬杉蒼靄合。千澗碧流寒。多少仙人迹。扶
筇面而看。

注中值雪。祖程。祖其。祖官。古今。雜。賦。一
盆。相。夷。門。雪。天。寒。鴈。未。歸。却。驚。新。旅。髮。重。攬。舊
官。衣。河。水。懸。如。立。城。雲。凍。不。飛。梁。園。客。已。散。風
景。獨。依。依。

宗 臣 再見

同李于鱗徐子與梁公實夜過王元美

一尊那忍負。永夜坐堪酬。鳳豈吹簫落。人疑鼓
瑟遊。江湖青桂暮。關塞白榆秋。明月無南北。冷
然萬里愁。

舒筆曰 懷 人深致

出郊過陸子和草堂同太史李公文學顧

爽

孤燈深入坐。稚子遠相看。月動前江白。星垂大

澤寒魚枯終有缺。鶚傲不辭冠。嗟爾屠龍者。清時只釣竿。

東臯隱居爲子與尊人賦

天日三千尺。高樓第一峯。瀑來飛萬馬。石削起雙龍。白日江華細。朱霞海色封。行歌秋更好。散髮弄芙蓉。

臥子曰掩

映自好

元美夜過將有江南之役

金樽墮明月。瑤瑟動輕陰。砧杵秋城急。煙霞故

國深不堪。惆悵色兼入。別離心去住。俱萍梗。佳期可易尋。

送萬彥和僉憲之廣東

星文開鳳節。秋色動羊城。桂葉雙旋轉。梅花列戟迎。按章孤島入。攬轡曲江平。萬里還相憶。寥寥今古情。

梁有譽

再見

秋日越臺登眺

越臺枕郊郭。吟眺喜逢秋。山向庾關斷。江從鬱

水流菊湖荒。蘚沒花塢夕。陽愁極日雄。圖外蒼
蒼雲樹浮。

劉鳳 三見

十五夜月

明月照滄海。清輝盈此時。似規流素魄。持粉儷
新姿。波瀉淪河影。榆寒露鵲枝。與君同萬里。無
那獨含思。

臥子曰似規持粉
雖稚然六朝有之

七夕立秋

微雲送徂暑。雙駕儼臨河。靈匹彌年隔。秋風一
夕多。杼停涼遂入。宵度序方過。誰復星樓詠。堪
成調露歌。

舒章曰子威能以古詩
為近體故以雅縟勝人

贈人

流水思依依。白雲川上飛。丹砂未可變。秋髮亦
應稀。向夕泉聲起。隔林江鳥歸。到來聞擣藥。何
處有塵鞿。

轅文曰起手
流澹可思

張家胤 字肖甫銅梁人嘉靖庚戌進士累官兵部尚書所著有峴嶽集

臥子曰銅梁莊雅亦稱李王後勁

轉文曰肖甫之於王李也調合矣象合矣然如玉朗之法華歆耳舒章曰肖甫之才不弱于子相公實以其有年更覺有成境

宿黃牛峽

春到黃牛峽。江辭白帝城。楚雲高不落。巴水去無聲。絕塞書難得。孤舟月更明。櫂歌聽自短。幾處夜猿鳴。

舒章曰楚雲二語殊有神境

沈鍊 字子剛紹興人嘉靖庚戌進士以劾嚴嵩謫邊陷歿

臥子曰青霞大男子詩亦俊爽

寄馮敬叔

同作他鄉客。嗟余更滯留。關山明月夜。邊塞白雲秋。漢闕孤臣夢。胡笳萬里愁。桑乾河水近。知是憶并州。

高岱 字伯宗京山人嘉靖庚戌進士

出塞

十年金鑲甲。萬里玉關程。雪暗旌旂色。風沉鼓

皇明詩選 卷之九
角聲塞鴻。乘月度邊馬。向人鳴隴水。流無盡。憑誰洗漢兵。

舒章曰秋風笳鼓使人悲壯

臥子曰沉練

張九一

字助甫新蔡人嘉靖癸丑進士官吏部郎中

蒲圻道中

風濤不可楫。石路詎能梯。灌木留猿嘯。長風送虎啼。雲歸一壑暝。日落萬風低。五柳誰家宅。蒼茫認故蹊。

轅文曰助甫元美所推詩殊不稱此章乃得合境

舒章曰溪壑自深

栗應宏

字道甫上黨人嘉靖初舉人

沙河行宮新城贈谷泉宿少府兄

皇居營北輔。勝地偶經游。野沃周原廡。山藏漢殿幽。逢君六郡使。供役五陵秋。王事賢勞日。憐予羈旅愁。

舒章曰亦見典格

盧樞

三見

皇明詩選 卷之九 三
送顧聖之遊楚時余將往金陵

春山送行子。春草惜離觴。不盡孤雲意。徘徊古道傍。望望荆門曉。悠悠郢樹蒼。此中滿高詠。遲爾寄江鄉。

哭董縣丞紳

十月黃河穩。天寒素舸孤。斷雲低不去。哀鴈起相呼。忽暗郎官宿。虛傳太史臯。哭君重回首。愁色滿蒼梧。

轅文曰董丞救次梗于垂
歿亦國士也事見補傳

徐

渭

字文長山陰人嘉靖
中文學後得狂疾歿

臥子曰文長亦有正音
舒章日文長詩材粗點雅人所少然其一往有雋處如部曲少將新跨紫驪

嚴先生祠

碧水映何深。高蹤不可尋。那知天子貴。自是故人心。山。雷。銷。春。雪。江。風。灑。暮。林。如。聞。流。水。引。誰。識。伯。牙。琴。

轅文曰五六妍
靜結有高致

懷陳將軍同甫

飛將遠從戎。翩翩氣自雄。椎牛千嶂外。騎象百蠻中。銅柱華封盡。昆池漢鑿空。鴈飛真不到。何處寄秋風。

舒章曰結
調深永

張問仁 字以元西寧人嘉靖丙辰進士累官按察副使所著有河右集

涇陽城樓

曠野入邊州。憑高動四愁。孤雲橫塞起。遠水接天流。雨過商臺晚。鴻歸隴樹秋。客懷欲有賦。况復對應劉。

張文曰

唐音

舒章曰錚

錚作響

余有丁

字丙仲鄞縣人嘉靖壬戌進士萬曆初累官至文華殿大學士贈少保諡文敏

送張嵒崒

客行新霽後。曙色啓城頭。曉徑穿雲濕。春塘帶雨流。江籬牽客思。山鳥動春愁。何事新芳歇。王孫不可留。

黎民表

字惟敬從化人嘉靖中舉人官兵部員外所著有瑤石集

出塞曲送陳公聘使邊

騁望白狼間。追兵大漠閒。黃河通月窟。青海入天山。剖竹行秦壘。封泥守漢關。豫知麟閣上。日待策勲還。

舒章曰氣亦傑勁

留都

銅爵標霞外。金莖擢漢間。祥基開白水。御苑跨黃山。殿古疎鐘徹。花深委珮閒。蒼蒼後湖月。應載鳳旂還。

歐子曰清

華切秀

歐大任

字楨伯順德人嘉靖中官南京戶部郎中

舒章曰楨伯詩如新裁貢錦雖機杼非古而時有鮮藻

送張舍人使青州因還蒲州

暫辭西掖去。東使指鄉亭。蒲坂臨河白。雲門接岱青。齊風堪論樂。韋相待傳經。知爾銜恩重。隨春入漢庭。

韓文曰用事穩帖

結語淡而自雅

胡應麟

字元瑞蘭溪人嘉靖時舉人

皇明詩選 卷之六
臥子曰元瑞如中賈張肆不皆珍異却
無物不有又如老樂工清濁輕重都傳
子弟

舒章曰元瑞如酒肆行厨咄嗟而辦雖
水陸錯陳不饜貴人之口元美賞之以
饒便更
相近耳

寄戚總戎

聞道嫖姚將。提兵大漠間。旌旗行漢壁。鼓吹出
秦關。白日雙鵬下。黃雲萬騎閑。時同投筆吏。逐
虜過天山。

韓文曰虜
格亦勁

金陵雜詩

畫檻排空立。飛甍逐望低。觀危鳩鵲度。臺古鳳
凰棲。海日千門上。江雲萬堞齊。大堤楊柳色。彷彿
舊鳥啼。

舒章曰是
金陵景色

于慎行

三見

春日同于子冲遊靈巖寺

寺自高齊闢。山從岱嶽盤。雲霞千嶂曉。風雨萬
松寒。路遠泉聲入。花分鳥道看。正聞鐘磬發。作

禮叩旃檀。

黃希憲 字毅所金谿人萬曆時進士

上巳日書懷

蘭亭修禊日。異國泛舟時。雨霽秦川迥。雲橫漢時低。飛觴推逸少。流水嘆鍾期。舉目山河異。悠悠不盡思。

馮時可 三見

秋夜月思

風聲千樹葉。天暮萬山秋。誰信流黃月。翻生搗

素愁。金波流錦幌。青霧拂朱樓。夜夜狂夫夢。相
依到隴頭。

對章曰亦復雅艷

吳子玉 字瑞穀休寧人

來過淮陰市。遙憐雲夢遊。王孫當日去。芳草至今愁。白屋悲新里。青門憶故侯。黃河仍似帶。茅土竟誰留。

轅文曰此題作者甚多瑞穀獨穩稱結意悲渾在人意中却是不可移易處

舒章曰新覽此詩如久習
誦者以其意調諧合耳
李三才 字道甫臨潼人萬曆甲戌
進士累官總督都御史

臥子曰修吾雄豪自喜
領袖羣倫又能詩耶

秋夜宿直

十載猶郎署。蹉跎媿少年。涼風迴樹杪。白露下
庭前。漏度三更雨。燈殘五夜烟。由來飛動意。回
首欲茫然。

舒章曰
淺而老

韓文曰氣
自雄爽

陳鶴

字鳴野山陰人萬曆時以
世職授千戶棄去稱山人

送熊磨溪憲副之關中

岐道雙江別。玄霄萬里征。長風隨代馬。落日引
吳旌。天遠龍門敞。山空石鼓鳴。知君茲浦上。作
賦吊秦京。

舒章曰琅
琅有音節

呂時臣

字中甫靳縣人萬曆
中以詩遊于諸王間

韓文曰中甫曳裾王門
詩以法勝而不堪廣收

留別謝少府子魯

木落見中州。遙連白帝愁。黃河臨斷岸。明月上孤舟。作客已多歲。還家又暮秋。思君西下日。寒葉滿江流。

舒章曰此詩

章法緊洽

臥子曰高

岑遺調

董其昌

字玄宰上海人萬曆己丑進士累官禮部尚書

贈蕭象林比部

息舄依天府。文章自選樓。青陽開左个。赤縣最中牟。朔雪梅花騎。江春竹箭流。賜金能貰酒。湖

上待羊裘

臥子曰

典茂

答夏鶴田黃門時夏自琉球奉使歸

叱馭猶行路。乘槎自鑿空。何如浮海使。絕域渺難窮。龍節堯封外。鮫衣禹貢同。壯夫能許國。在處百靈通。

舒章曰五

六嚴重

高粱卽事

人天歸佛日。風土紀皇都。水坐疑修禊。鰲行或

賜酺花茵調怒馬珠彈起。栖息誰識。逃虛者高。陽混酒徒。

韓文曰頗

近初唐

宋懋澄

再見

月中寄洪二

他鄉一輪月。故國十年心。對此頻相失。沉吟方自。今白雲迷驛路。芳草隔春陰。欲發登樓思。風霜夜已深。

舒章曰似

高達夫

陳繼儒

再見

棲霞寺

人寺又聞鐘。窓懸前後峯。夕陽千佛嶺。秋雨六朝松。采藥看龍骨。梯崖躡虎踪。方愁登頓苦。從者進孤筇。

臥子曰三

四緊秀

伯起來自四明同太碧士端集元裕齋

渡口扁舟去。前村日已斜。放歌驚白鷺。臨水弄青霞。古岸垂宮柳。空陂落戍花。山雲連野色。何

處是吾家。

沈翰卿

萬曆時山人

濟江往南都

海。色。聞。雞。動。征。帆。帶。月。飛。羣。龍。翔。水。府。萬。馬。護。皇。畿。冉。冉。紅。雲。起。灩。灩。白。露。晞。寶。珠。光。不。定。何。處。覓。靈。妃。

轉文曰起句明

秀全首可觀

五言排律

李東陽

三見

重謁

孝陵

龍虎諸山會。車書萬國同。星躔環斗極。王氣繞江東。地湧神宮出。橋分御水通。丹爐晨隱霧。石馬夜嘶風。日月無私照。乾坤仰聖功。十年瞻望處。雲樹鬱蔥蔥。

李夢陽

五見

鄱陽湖十六韻

太祖平陳日。樓船下此湖。波濤留壯色。天地見雄圖。水上開黃屋。雲中下赤烏。士猶詢後載。戈

已倒前徒力屈鯨鯢什。聲回鴈鶩呼。橫江收玉
筍。跨海定金符。文軌遙通楚。梯航訖至吳。虎賁
雖莫敵。龍戰豈全辜。血染猶丹草。骨沉空白蕪。
汀洲夜寂寂。霜月鬼嗚嗚。殺氣鼉鼉徙。腥風島
嶼孤。習人拾古鏃。艇客慨秋菰。偉彼高光烈。還
將蕭鄧須。英謀協睿筭。勇奮想長驅。劍瘞神仍
土。舟焚勢與徂。康山巍廟在。忠武激頑夫。

何景明 五見

舒章曰結語鎮重

中元節有感

去歲中元節。朝陵百職同。嚴趨神路左。遥拜孝
園東。龍虎瞻王氣。乾坤仰帝功。未迴衡嶽駕。
空墮鼎湖弓。啓兆龜圖順。編年鳳曆終。玉衣陳
畫幄。寶瑟闕玄宮。北極猶前日。南薰亦舊風。病
居逢此日。長望五雲中。

舒章曰有情有體

今代園丘地。天開壯麗區。神祇二后配。禮樂百

皇明詩選卷之九
王殊制作由天。皇祖儀章藉老儒。萬靈欽受紀。
七聖重承圖。紫望兼虞典。登封畧漢模。巍基錯
采繪。法象備堪輿。丹戶乾坤闢。雕墻海嶽扶。瑤
壇上星斗。琳觀俯虛無。輔弼朝玄坐。勾陳衛紫
樞。風含浴殿暖。雲裊露盤孤。好時瞻春祀。高高
聽夜呼。公侯守禁籞。虎旅發金吾。玉輦臨犧宰。
珍饈走膳夫。廟縣鏞鼓列。庭舞羽干趨。俎豆聯
周簋。圭璋飾夏瑚。祠官足錦繡。道士住蓬壺。澤
草三花綻。宮霞五色敷。時時聆磬管。鬱鬱鎖松
梧。日月藏金櫃。龜龍祕赤符。祈天洪洛誥。渡海
斥秦誣。頌咏周三望。文成漢兩都。侍臣從此賦。
千載炳文謨。

臥子曰清
華敦雅

寄題丹陽孫氏七峯山房

聞爾山房勝。青天秀七峯。芙蓉疊日月。雲霧裊
杉松。壻倚岫巒積。窓通洞壑重。丹霞互明滅。瑤
草自春冬。靜得沉冥趣。幽探仙聖蹤。源潭暗雷
雨。白晝有蟠龍。

韓文曰在右
丞工部之間

徐禎卿 五見

九日期登大慈恩寺閣不果寄獻吉

悵憶青蓮宇。今朝黃菊開。遙知遠公笑。不見白衣來。窈窕人天閣。崢嶸日月迴。山川紛楚望。城闕動秋哀。峴首羊公石。淮陰戲馬臺。風煙那可即。逸興杳難裁。強負登棲作。虛傳落帽才。此時遙獨酌。念爾重悠哉。

韓文曰似合太白摩詰之境排律罕體

唐 龍 再見

送畢蒙齋方伯入覲

瑞節馳周道。冠裳會列侯。風驕金勒勁。雪漲羽觴浮。豹尾陪仙仗。龍光覲玉旒。休釐嘉畢父。燕錫勞韓侯。彤管應書伐。楓宸必借籌。梅花聊可贈。春色媚皇州。

楊慎 四見

涪江泛舟

明月沉清露。秋風起白雲。蘭橈乘溜急。木葉下

江聞爽籟金懸奏。遙峯翠積氛。碧潭留鴈影。錦
汭散虹文。旅望隨天豁。幽阿與歲分。登臨知自
好。寂寞共誰云。

轅文曰得沈

雲中十二韻

天子雲中狩。將軍久未還。律吹玄兔塞。旗繞白
狼山。風火燒荒急。星辰過隊閑。燕支留馬首。酥
酪醉龍顏。清樂千門動。黃金萬鑑頒。雪深懷續
絮。月滿憶刀環。牙烏嚴宵仗。宮鴉捲曉班。奏回

青瑣闥。捷報紫金關。日轉虞巡外。春流鎬宴間。
戢戈行有頌。神武徧人寰。

臥子曰詞
高氣厚

馬汝驥

字仲房。綏德人。正德丁丑進士。繇庶吉士。累官禮部侍郎。

元年郊祀二十二韻

漢時蓬萊闕。周郊日月迎。翠華驅太一。綵仗出
通明。旛旒方千里。戈鋌振五兵。春雷喧近闕。霽
雪抱層城。地轉玄雲閣。天臨白玉京。齋從仙殿
浴。薦向帝臺行。金榜星辰位。瑤編海嶽名。飛梁

馳倒景。懸圃絕傳聲。露氣承璇室。虹光曳繡楹。
神祇聯二后。禮樂走諸卿。陟降椒漿注。居歆荔
席橫。銀潢香霧接。碧落燎烟生。簠簋馨三獻。琴
竽變六成。黃珠垂紫幄。蒼壁炤朱紘。芬樹輝重
葉。靈華茂九莖。受禧丹鴈集。顧德赤蛟鳴。嵩祝
登封遠。虞巡秩望輕。八鑿裝引馬。雙闕拂廻旌。
麗旭鸞頭動。祥烟雉尾縈。珮趨墀草委。盤入苑
桃擎。曲鄙汾歌奏。杯慙鎬宴傾。思文明主績。奏
賦小臣情。

奇章曰仲房此詩亦有金枝翠華之氣

高叔嗣 三見

送管平田先生頒封秦府歸省

五等周分國。三王漢世家。日聞敦帝族。時見遣
皇華。剪土仍鶉首。疏邦自犬牙。秦關通使節。灞
水渡征車。過邑恩難屢。登堂禮更嘉。何如北山
客。行役動長嗟。

皇甫湜 四見

立秋日署中述懷簡田子八韻

一葉下庭陰。燕臺秋正臨。迎風涼氣早。承露暮
雲深。宿霽搖丹闕。餘霞綉碧岑。荷嬌還吐豔。蛭
晚更揚音。署迥銀河逼。城高玉漏沉。感時悲素
髮。閱禮謬華簪。坐憶江鱸膾。愁為越鳥吟。寄言
同省客。何以慰予心。

舒章曰

平臺山扈從

昔駐文皇輦。歡傳萬壽杯。誰言紫霄上。重見翠
華來。曉樹峯巒合。春花棟宇開。勝圖臨塞壤。嘉
平臺。豫蹕承雲轉。靈旂繞澗迴。捫天叨法
從。遊聖愧仙才。

轅文曰似
張燕公

同汝玉集時言寓

言值含香暇。行追秉燭歡。同懷情不間。四序景
方殘。峻闕凝雲夜。平沙度雪寒。芳菲瀉花醞。寥
廓倚星欄。閒有杜欽好。愁無平子寬。故園梅柳
發。何計覓歸鞍。

喬世寧 再見

馬湖登覽

四海車書一。干旄萬里湯。羊河今作郡。魑魅舊
爲鄉。江自金沙出。山連玉嶠長。歲時常霧雨。草
樹但青蒼。舟楫通吳楚。榷楠足棟梁。禹圖元貢
篚。漢武更開疆。司馬能文客。唐蒙仗節郎。千秋
賓上國。一統見今王。到此真殊域。憑高覽大荒。
嵐光生澗壑。雲氣滿衣裳。西徼仍多難。當關詎
可忘。天王今有道。舞羽爲邊防。

李攀龍

五見

送楊給事河南召募

虜休南牧。朝廷議北征。幄中新授律。天下大
徵兵。使者持符出。君推抗疏名。黃金秋突兀。白
羽日縱橫。嶽雪三花秀。河水萬馬行。將軍邀劇
孟。公子得侯嬴。屠販多豪傑。風塵鬱戰爭。有呼
皆左袒。無役不先鳴。寧久燕山戍。終期瀚海清。
過梁投賦筆。更爲請長纓。

舒章曰精
鏡畢見

七夕集元美宅送茂秦

祖席陳瓜果。征衣理薜蘿。雲邊看露掌。花裏出
星河。仙吏揮金枕。佳人罷錦梭。新知天上少。秀
句鄴中多。疎拙時名棄。歡娛虜騎過。秋風吹鬢
髮。落日渡滹沱。七首荆卿贈。刀頭桂客歌。明年
見。牛女能不憶。羊何。

轅文曰
傲秀

哭公實

逝矣梁公實。清時隱漢關。扁舟浮大海。健筆誌
名山。豈悟風流盡。猶言洗沐還。文章憎白髮。服

紅顏禪草來天上。玄經出世間。縱為華表
鶴。羽翮已難攀。

其二

實沈其爾崇。單闕乃為灾。偃蹇非關病。文章未
盡才。他人紛項領。之子渺塵埃。白日中原墮。高
秋大海迴。自逢雙鶴至。誰叱五羊來。欲掛延陵
劍。風雷不可開。

舒章曰。文章未盡才。一
語見前輩不私所好。

王世貞 五見

皇明詩選 卷之九
轅文曰排律特饒
秀色似勝諸家

送方居道之應天

落日大江樹。揚帆帝子洲。僊臺看不盡。天塹
劃分流。水擊三千船。雲甍十二樓。腹心歸掌握。
參佐見風猷。史事饒談笑。公餘得臥游。烟花馳
道晚。霜葉禁宮秋。潮濶連滄海。天清辨虎丘。尊
鱸未須羨。鄉思總能酬。

過昌平擬上經畧許中丞

豹隱終南奪。龍韜薊北專。建牙三輔色。吹角七
凌烟。星斗青萍外。關河紫氣前。雙鵬下鳴鏑。萬
馬聽揮鞭。辟易懸支嶺。崢嶸首蓓天。高樓明月
嘯。橫槊大風篇。白髮籌邊早。黃金募士偏。還應
報烽火。不復近甘泉。

奇章曰英
爽可誦

送方承天禹績

向來龍起處。曾此更鳴鑾。父老十年復。君王
三日歡。蹕留佳氣滿。歌憶大風寒。望幸河山切。
沾恩雨露寬。官曹副司隸。宮闕比長安。稚子車

皇明詩選 卷之九
前擁中涓。柱後彈聲。名方叔並。詞賦郢人看。莫作南陽對。君今治豈難。

臥子曰
穩淨

寄俞丈兵使汝成

握手滹沱色。相看又轉蓬。建牙秋鳥外。乘障白雲中。手削三關險。身先六郡雄。舉軍驕塞月。萬馬聽秋風。行路難毋問。從軍樂未窮。勿投班氏筆。留寫漢臣功。

奇章曰。結句使事變化。

新樂端惠王輓詩

帝紀年元狩。先王建社初。地分齊渤海。親比漢朱虛。壁有先賢籍。門多處士車。蛟龍一夕變。雞犬亦無餘。明月空丹輦。流雲自綺疏。猶聞劉向在。能讀枕中書。

據文曰。事律俱協。

富陽至桐廬道中

揚舩溯流上。秋色競紛紛。翠荇波仍繡。丹楓壁自文。路疑千嶺盡。山爲一江分。夕照高低出。灘

聲遠近聞。薜衣過木客。椒酒問桐君。欲叩幽棲。意峯峯多白雲。

舒章曰結

意深渺

謝

榛

三見

塞下

路出古雲州。風沙吹不休。鳥鳶下空磧。駝馬渡寒流。地曠邊聲動。天高朔氣浮。霜連窮海夕。月炤大荒秋。擊鼓崙王醉。吹笳漢女愁。龍城若復取。俠士幾封侯。

庚戌八月二十二日恭聞

奉天殿視朝

上苑涼颼起。西山瑞靄濃。玉珂天漢路。金闕午時鐘。劍佩鑪香近。旌旗日影重。宮墻落楊柳。水檻出芙蓉。萬舞趨丹鳳。千官識袞龍。遙傳北伐詔。光耀紫泥封。

舒章曰

筆秀

徐中行 三見

臥子日子與排律頗得沈宋之法

舒章日子與排律似春水潺湲玉山明媚情中景外皆堪懷想

正月十六夜同諸子過順甫宅得燈字

火樹連三市。星橋映五陵。鄴中七子賦。漢苑九
華燈。桂暈光疑滅。蓮壺漏漸增。寒餘金掌露。春
上玉河冰。御氣通丹禁。邊烽斷白登。更聞祠太
乙。鐘鼓夜相仍。

韓文曰晶
徹似右丞

送宗姪雲卿任靈璧縣簿

弱冠入燕京。長歌俠客行。金羈千里駿。錦席五
侯鯖。顧我頻投轄。逢時欲請纓。一官紆左尉。三
月賦東征。王氣開原廟。青山匝潁城。試過淝水
問。小謝至今名。

舒章曰
典秀

送大梁李公轉東藩左轄八韻 代作

賦別復梁園。高秋鼓吹喧。張旌臨北海。馮軾下
中原。賜履東秦壯。登封太嶽尊。河山開日觀。星
斗挂天門。闕里風堪問。明堂跡尚存。齊名慙李
固。對榻戀陳蕃。湖月邀仙舫。峯雲落酒尊。誰憐
虛左地。長憶信陵恩。

同張肖甫送乃兄山人還蜀

兄弟金臺別。依依玉樹柯。鳴琴悽蜀調。把酒醉
燕歌。曉騎停楊柳。春衣換薜蘿。回車赤岸近。臥
閣白雲多。月度峨眉夜。花飛錦水波。著書藏小
酉。種藥滿中阿。風物三巴盡。蓬蒿二仲過。他時
登海嶠。莫惜示羊何。

吳國倫

五見

送姜太史節之使楚王

天子分桐葉。詞臣下栢梁。共憐星是使。况乃玉
為堂。江漢環宗國。風雲護帝鄉。居人思過沛。
太史復浮湘。地險東南勝。藩盟帶礪長。晴山開
絳節。高浪出牙墻。楊柳停旌艷。椒蘭設醴芳。樓
臺招鶴馭。環珮憶鷓行。六傳中原路。雙鋒北斗
傍。緘書如有意。歸鴈自衡陽。

臥子曰使事秀
切屬筆流麗

宗臣

三見

送朱郎中使浙

鳳書天上至。龍節日邊催。兩越乘槎使。三都作

賦才路經芳樹斷。心逐暮江迴。綠水樵人宅。青
蘋釣客臺。山寒金粟落。巖靜玉華開。月照方窮
谷。春深已劫灰。觀風尋禹穴。題石向天台。多少
長安侶。看君奏草來。

轅文曰傲
健不蕪

胡應麟 再見

寄懷大中丞萬公時公將有遼左之行

獨坐中丞幕。雄飛國士場。雙雕白羽箭。萬騎綠
沉槍。籌策金城擅。韜鈴玉壘揚。舉天依大樹。畧

地到扶桑積甲陰。山下投鞭瀚海傍。受降多赤

狄。歸附半青羌。吐握追公旦。吹噓接孟嘗。詞流

傾陸謝。賦客聚班張。篳篥驅前部。琵琶醉後堂。

珠簾宵隊月。畫戟晝凝霜。相貌圖高閣。勳庸勒

太嘗。煌煌三錫命。鐵券下明光。

舒章曰
華實

臥子曰舉天一聯亦
是軒舉對復流動

姚希孟 字孟長吳縣人萬曆己未進
士官至南京掌翰林院學士

舒章曰學士以清廟明堂之才每遇盛
典斐然有作視學詩端端煌煌可想見

其風 度

已巳仲春恭遇 聖駕視學有述

右文專誕教。繩武紹臨靡。况值方升運。彌敦化
理宗。泰釐方。炳燎更老已。扶筇午夜千門關。寅
清百辟從。鵠冠森堵雉。虎觀合雲龍。壁水迎灑
露。星旄拂曙松。明禋馨俎豆。雅樂列笙鏞。鳴玉
趨函丈。端圭肅禮容。格思來髣髴。盥薦白孚顒。
道已綜三代。尊能屈九重。神功初洗滌。盛事漸
惇庸。泗水先河望。尼山領岳封。垂裳搖玉燭。秉

鐸振金樞 御極真玄聖陳詩續鼓鐘

轅文曰真 雅頌之遺

同郡夏完淳存古比較

皇明詩選卷之九 終

何遜夏宗前古九鍊

兼賦之畫
類文日真

驗淋金地 幽澗真之聖刺詩辭茲錄

皇明詩選卷之十

李 雯舒章氏

雲間陳子龍臥子氏同撰

宋徵輿轅文氏

七言律詩

劉基 三見

春興

會稽南鎮夏王封蔽日騰空紫翠重陰洞煙霞
輝草木古祠風雨出蛟龍玄夷此日歸何處玉

簡他季豈再逢。安得普天休戰伐。不令竹箭困輸供。

韓文曰：穰整結句意，度不淺。

高啓

四見

送沈左司從汪參政分省陝西。汪由御史

中丞出

重臣分陝去。臺端賓從威儀盡。灑官四塞河山歸。版籍百年父老見。衣冠南關月落聽。鷄度華岳雲開立馬看。知爾西行定回首。如今江左是長安。

楊載

再見

感秋

嫋嫋西風吹逝波。冥冥灑氣逼星河。軍王石鼓青苔溜。武帝金盤白露多。八陣雲門屯虎豹。三江潮落見黿鼉。沉湘一帶皆秋草。欲采芙蓉奈晚何。

韓文曰：調近錢劉。而少加沉練。

送魏萬之安西

梁苑微霜木葉紅。行人此日發關東。酒邊怨別看長劍。馬上驚心見斷篷。雲散岳蓮開泰華。月寒郊樹隱新豐。窮秋亦有臨邊使。待爾題詩寄塞鴻。

臥子曰此擬李頎朝暈遊子作也。流麗不及而氣槩亦壯。

趙

迪

字景哲。閩人。洪武初與林鴻齊名。所著有鳴秋集。

送樂舞生歸京

僊裳貫酒暫成歡。故里多情欲別難。雙闕雲霄金殿曙。九天風露玉階寒。每懷絳節陪龍馭。昔捧璫筮近泰壇。上苑露桃花似錦。羽人相候彩雲端。

舒章曰原本作僊裳不若裳字雅故易之。

臥子曰麗切

王 璩

字汝玉。蘇州人。洪武中官翰林院贊善。所著有青城集。

新秋早朝

宮井梧桐一葉飛。新涼先到侍臣衣。蒼龍闕上銀河轉。丹鳳樓頭玉漏稀。曉仗分行環御輦。夕郎鳴珮出仙闈。自憐虎觀叨陪從。簪筆慙無補。

萬機。

解

字大紳吉水人洪武戊辰進士承樂中官至大學士後歿獄中

送劉繡衣按交趾

虬髯白。暫繡衣郎。驄馬南巡古越裳。城郭新開

剡郡縣。山河原是漢金湯。天連銅柱蠻煙黑。地

接珠崖海氣黃。莫說炎荒冰雪少。須令六月見

飛霜。

韓文曰大紳粗率此首却成章

高

棟 字廷禮一字彥恢長樂人永樂中官翰林典籍常撰唐詩品彙所著有嘯

臺集三山集

歸章曰廷禮如製錦錦善手頗有尺度

早朝

明光漏盡曉寒催。長樂疎鐘度鳳臺。月隱禁城

雙闕迥。雲迎仙仗九重開。旌旗半掩天河落。閭

闔平分曙色來。朝罷佩聲花外轉。回看佳氣滿

蓬萊。

韓文曰彥恢深於唐詩此篇不失尺寸

臥子曰可參王岑之坐

曾 榮 三見

車駕渡江

朱旗畫戟擁晴沙。錦纜牙樯照水涯。佳氣迥浮江北樹。日光初照海東霞。雲中鸞鳳扶丹轂。水底魚龍識翠華。不用臨流羨天塹。只今四海盡為家。

居庸關

重關深鎖白雲收。天際諸峯黛色流。北枕龍沙通絕漠。南臨鳳闕壯神州。烟生睥睨千巖曉。露濕芙蓉萬壑秋。王氣自應成五采。龍文長傍日光浮。

舒章曰已有

七子氣槩

周 立 再見

行經華陰

西遊莫嘆勞行役。風物繁華記往年。十里關城臨渭水。萬家煙樹入秦川。露盤臺迥金為掌。華嶽峯高石作蓮。聞道盛時多晏樂。更傳車馬幸溫泉。

舒章日中
二聯雄巧

臥子曰精
切有風格

謝復古 安福人永樂中隱士

擬唐人長安春望

南山晴望鬱嗟峨。上苑春遊玉輦過。日麗鳳城
雙闕迥。露凝仙掌五雲多。鶯聲盡入新豐樹。柳
色遙分太液波。漢主離宮三十六。樓臺處處起
笙歌。

谷宏 福州人

行經華陰

崔嵬太華出雲中。積翠遙連渭水東。秋色萬家
連遠塞。暮烟一帶遶離宮。秦關日落行人少。灩
時天陰古殿空。寂寞武皇巡幸處。祠郊木葉起
秋風。

韓文曰調既不卑。景色亦合。

舒章曰是錢劉高調。

薛瑄 字德溫河津人永樂末進士正德中累官大學士謚文清

沅洲雜詩

皇明詩選 卷之十
辰沉風壤帶三苗。一望中原萬里遙。翼軫衆星朝北極。岷嶓諸嶺接南條。天連巫峽常多雨。江過潯陽始上潮。近日詩懷殊浩蕩。謾將新句荅漁樵。

轅文曰。中四句氣壯景實。七言佳境。結句少陳。終不可廢。

李伯璵

字君美。華亭人。宣德時舉人。官淮府左長史。

春日侍讌 淮王殿下登樓晚眺應教

黃髮先朝一老臣。春來攜瑟向朱門。親嘗樹國諸生醴。不似梁園雪後尊。南浦歸帆迴夕滙。西

汀落日繞飛鴛深。從無聲夜桂樹雄篇敢獨論。

七世孫雯曰。先相國名德茂學。作傳親藩。補裨賢王。有賈董之誼。所作近體詩。凝渾不苟。生於何李之前。而能不沿元調。惜未有表章之者。予小子從遺集中搜出。以志一家淵源。不敢比工部之宗。審言也。

李東陽

四見

立春日 車駕詣南郊

暖香和露繞蓬萊。彩仗迎春曉殿開。北斗舊杓依歲轉。南郊佳氣隔城來。雲行複道龍隨輦。霧

散仙壇日滿臺。不似漢家還五時。甘泉誰羨校書才。

韓文曰氣

象和平

舒章曰文正佳處

不乏金華殿語

程敏政

字克勤休寧人。正統中進士。弘治中累官詹事府學士

和蕭文明給事元日早朝及賓之慶成宴

上

綵轡聲裏曙鴉稀。劍珮森森拱太微。日射御床明繡袞。雲回鸞輅見青旂。鴻臚入殿分千仗。宮

監隨班鞞六飛。曾記昔年叨侍從。起居長許近

皇闈。

喬

字

字希人。樂平人。成化甲辰進士。累官吏部尚書

秋風亭下泛舟

荒亭寥落野烟空。漢武雄才想像中。簫鼓應聲開畫鷁。帆檣飛影動晴虹。山分秦晉羣峯斷。水入河汾兩派通。少壯幾時還老大。不須回首嘆

秋風。

舒章曰結

語近情

李夢陽 六見

韓文曰。空同七言律。亦能自出奇致。其襲杜處。乃其寄跡。

赴郊觀宿

城邊水色淨春芽。苑外鶯啼拂露梢。萬戶煙花臨複道。九天宮殿鎖南郊。霓旌夜發清溪繞。彩仗晨飛碧樹交。身到鈞天渾不解。坐聞仙樂下雲旂。

舒章曰。交字穩秀。

桂殿

桂殿芝房曙色通。垂垂苑柳綠煙中。桑乾斜映千門月。碣石長吹萬里風。已有金吾嚴御陌。遙傳玉輅下齋宮。侍臣鵠立松陰裏。時倚紅雲望碧空。

韓文曰。唐人侍制少此精麗。

謁陵

本朝陵墓傍居庸。聞說先皇駐六龍。一自玉輿回朔漠。遂令金殿鎖秋峯。明禋袞職雖多預。備物祠官豈盡供。報祀獨知今上切。每於霜

露見愁容。

臥子曰深
渾有體

舒章曰結句
頌美有情

秋懷

慶陽亦是先王地。城對東山不窰墳。白豹寨頭
惟皎月。野狐川北盡黃雲。天清障塞收禾黍。日
落谿山散馬羣。回首可憐鼙鼓急。幾時重起郭
將軍。

韓文曰郭將軍

豈謂忠武耶

舒章曰物
色精銳

其二

宣宗玉殿空山裏。野寺霜黃鎖碧梧。不見虎賁
移大內。尚聞龍舸戲西湖。芙蓉斷絕秋江冷。環
珮淒涼夜月孤。辛苦調羹三相國。十年禹拱一
愁無。

韓文曰五六

未免襲桂

其三

苑西遼后洗妝樓。檻外芳湖靜不流。亂世君臣

那在眼。異時松柏自深愁。雕闌玉柱留天女。錦石秋花隱御舟。萬古中華還此地。我皇親為掃神州。

舒章曰凝

麗而能流

轅文曰此擬昆明池

水以不其似為工

雪後朝天宮

馬上城中見雪山。白雲蒼霧滿燕關。蓬萊咫尺無人到。松柏黃昏有鶴還。當日翠華游物外。百年金殿鎖人間。浮塵擾擾江湖遠。悵望巖棲不可攀。

可攀

舒章曰起句

景真而氣逸

喬太卿宇宅夜別

竹梧池館夜偏寒。促席行杯漏未闌。燕地雪霜連海嶠。漢家鐘鼓動長安。吟猿見月移孤樹。宿鴈驚入起別灘。二十逢君同躍馬。十年回首笑彈冠。

臥子曰

凄壯

限韻贈黃子

禁垣春。日紫煙重。子晉為雲。我作龍。有酒每要。
東省月。退朝曾對掖門松。十年放逐。同梁苑中。
夜悲歌泣。孝宗老體。幸強黃犢健。柳吟花醉。莫
辭從。

韓文曰。或悲或達。情見
乎詞。結又振起。全勢
臥于日。元美極賞。此
作要。是萬常侍佳境。

熊監察至自河西喜而有贈

當年五郡乘輅過。此日干城攬轡游。封事幾騰
天。北極籌邊真歷海。西頭崑崙壯壓胡塵斷。羽
水清翻漢月流。若使巡行皆汝輩。遠夷那係廟
堂憂。

秋望

黃河水。遶漢宮。墻河上。秋風鴈。幾行客子過。壕
追野馬。將軍韜箭射天狼。黃塵古渡迷飛輓。白
月橫空冷戰場。聞道朔方多勇畧。只今誰是郭
汾陽。

舒章曰關

山歷歷

韓文曰。白月一語驚心動魄。○又曰。此
詩空同集不錄。或以為結。用唐人故耳。

然如汾陽公亦自不妨

送毛監察還朝是時皇帝狩于楊河

楚生臨水送將歸黎子當筵賦式微天下汝為

真御史百年吾是舊漁磯沙寒白日蓬科轉風

起黃河木葉稀此去有書應力上太平天子本

垂衣

韓文曰澹而肯

同舟而下有詩

紀之予亦和此篇

共水同舟伴謫居海天春色靜涵虛蠻方故啓

流官路漢史終收痛哭書蜀徼山高嘗戴雪滇

門池苦亦生魚上林花樹年年在前席行看入

禁廬

臥子曰極似高常侍

送王李二少府詩

舒章曰不

作方幅語

潼關

咸東天險設重關閃日旌旗虎豹閒隘地黃河

吞渭水炎天白雪壓秦山舊京想像千官入餘

恨。逡。巡。六。國。還。滿。眼。非。無。棄。繻。者。寄。言。軍。吏。莫。噴。顏。

韓文曰結是作家語

出塞

黃。河。白。草。莽。蕭。蕭。青。海。銀。州。殺。氣。遙。關。塞。豈。無。秦。日。月。將。軍。獨。數。漢。嫖。姚。往。來。飲。馬。時。尋。窟。窟。箭。行。人。日。在。腰。晨。發。靈。州。更。西。望。賀。蘭。千。嶂。果。雲。霄。

舒章曰氣自岸傑

何景明

六見

臥子曰暇日與韓文論詩韓文曰李何七言律皆本於杜李得其雄壯何得其雅練此論誠知言哉余以為李以渾直之氣行其雄壯何以婉麗之致追其雅練故人見李之襲以何為脫耳

安莊道中

處。處。人。家。空。薜。蘿。幾。年。凋。弊。擾。干。戈。山。過。白。水。峯。巒。峻。路。入。盤。江。瘴。厲。多。嶺。微。土。風。連。百。粵。郊。原。人。語。雜。諸。羅。側。身。西。望。看。銅。柱。此。地。曾。經。馬。伏。波。

皇明詩選 卷之十一
韓文曰明詩是有此派雖本於
唐體裁自異要亦不減古人

九日黔國後園

何處風烟消客愁將軍臺榭枕山丘一年又過
重陽日兩鬢空懸萬里秋水國陰多寒已至炎
方霜後瘴初收憑高欲送登臨眼更上池邊百
尺樓

舒章曰送
迢清惠

歸舟

暮雲天際見高城行盡千峯峽漸平古郡山頭

萬家任客舟江上一燈明竹枝慣聽巴人曲鳥

道纔通楚國程未卜東歸何日到片帆斜月對

離情

秋興

高樓一上思堪哀水盡山空鴈獨迴萬里關河

迷北望無邊風雨入秋來故人尺素年年隔薄

暮清砧處處催徒有寒樽對花發病懷愁絕共

誰開

其
臥子曰寫
情不泛

其二

前歲今皇新御極。鳳銜恩詔出明廷。孤槎奉使日南國。萬里題詩天畔亭。地入金沙江浩浩。風連銅柱海冥冥。昆明亦在滇城裏。池上虛疑織女星。

韓文曰初亦不妨

其三

蜀中形勝千年在。峽樹江花照使袍。神女廟深虛暮雨。漢王臺迥落秋濤。漁人東望滄浪濶。客子西來灩澦高。不見啼猿繫舟處。風波遙夕夢魂勞。

舒章曰亦復沉亮

其四

漢水東馳入楚來。長沙秋望洞庭開。江清樓閣中流見。日落帆檣萬里迴。去國尚思王粲賦。逢時空惜賈生才。湘南兩度曾遊地。惆悵烟花暮轉哀。

韓文曰得子美澹處

荅雷長史

十載寒氈鄭畫師。風流文采更堪思。朱門鼓瑟
官仍達。青殿揮毫出每遲。百里風烟還薄暮。孤
城雨雪已多時。極知歲晚傷心切。起傍官梅自
詠詩。

舒章曰中二
聯清輝遙映

寄希哲望之二兄

東風悵別十年懽。北斗愁臨五夜看。海內君親
情獨苦。天涯兄弟見俱難。孤城落日黃鸝暮。紫
塞青春旅鴈寒。君夢可曾回故里。予心終日在
長安。

臥子曰清
響亦至

袁冲霄先生同惟學過訪

風起高城春日斜。相留肯醉野人家。白雲對酒
看山色。青草題詩到水涯。隔岸鳴鶯深坐樹。傍
樓飛燕故穿花。竹林萬古追遊地。一阮風流未
足誇。

轅文曰清
新不俗

皇明詩選 卷之十一
臥子曰
似杜

省中贈勤甫

春城紫禁轉透迤。退食相尋出省遲。晝漏遙從
宮閣報晴雲。先傍苑牆移行吟。才子陽春賦坐
映仙郎白雪姿。少日從遊並英俊。十年潦倒愧
君知。

韓文曰王維杜甫
之間有此佳境
舒章曰結
語婉雅

送趙无澤之嵩明州

日暮千花出漢園。秋深萬水入湘沅。干戈喜見
黃塵息。勲業愁看白髮繁。西域瑤琨常北貢。南
天星斗似中原。一官萬里何嗟嘆。倚劍長歌行
路言。

舒章曰言字押韻未
安然全篇自深渾

送張无德侍御巡畿內

漢京樓殿鬱雲虹。淮海文章御史驄。三輔自來
多寇盜。五陵今日更豪雄。埋輪亦在都亭下。攬
轡仍行甸服中。滹水太行煙霧裏。獨看高隼擊

霜空。行向湖中載水。大舟。野。寒。風。吹。草。草。草。

舒章日用事切而便

臥子曰

蒼老 韓文曰切直沉至

劉德徵上陵還有贈

仙郎昨自五陵歸。駿馬朝回獨掩扉。已向西山
瞻。皇。帝。寢。更。從。北。極。眺。里。王。畿。霜。鐘。澗。壑。流。清。
漢。玉。殿。松。杉。眇。翠。微。先。帝。侍。臣。零。落。盡。秦。園。
宮。草。日。霏。霏。

然真學

舒章曰響流金石振以哀弦

西海子

寺下烟波春不開。苑中風浪隱樓臺。源泉細繞
西山出。雲氣深從北極來。萬里乘槎觀日月。十
年登閣望蓬萊。黃塵碧水須臾事。莫使魚龍夜
夜哀。

臥子曰意景皆摩少陵

送雷長史

彤管先朝隨。帝子白頭今日奉。王孫漢
庭亦羨相如美。楚客重看賈傅尊。花下圖書開。
玉殿日高琴瑟在。朱門十年亭閣。淮西宴腸斷。
梁王雪夜樽。

臥子曰潦倒遲
慕寫得可念

寄黔國公

萬里山川開百粵。十年戎馬暗三巴。伏波銅柱
衝炎塞。橫海樓船出瘴沙。鴻鴈不傳天北字。瓊
瑤空憶日南華。飄飄奉使金門客。目斷銀河八

月槎

晚過君采次韻

朔雲臥對寒城菊。燕月留沽晚市醪。向客蘼蕪
南國遠。背人鴻鴈北風高。阮公愁極惟雙淚。潘
岳情多已二毛。同病相憐不同去。莫將江海問
西曹。

韓文曰亦
是老境

得獻吉江西書

近得潯陽江上書。遙思李白更愁予。天邊魑魅

窺人過日暮。龜鼉傷客居。鼓柁襄江應未得。買田陽羨定何如。他年淮水能相訟。桐栢山中共結廬。

韓文曰意境俱佳

臥子曰買田陽羨難用後事然不甚覺不同夫

舒章曰真率甚佳

送殷近夫之青田

石川居士昔。飡霞為吏風塵不怨嗟。海上故栽

彭澤柳。江邊新種洛陽花。飄飄暮送凌空鳥。渺

渺春迴上漢槎。安得便同仙令去。遠從勾漏覓

丹砂。

舒章曰物色近人獨能超脫

送賈學士之南都

金陵樓閣九天開。銀漢仙槎萬里來。宮月夜懸

鳩鵲觀。江流春轉鳳凰臺。直從北極看南極。却

望中台。接上台鳴世早傳。吳王作逢時真羨洛

陽才。

舒章曰五六句押兩字是唐人所有然不必學此江流句有情有色

皇明詩選 卷之一
據文曰初唐○又曰仲默有送馬公順
視學湖南詩一聯云三楚樓臺皆壯麗
萬年江漢自波瀾極為雄秀而
結韻不稱故不錄附見于此

送施聘之侍御

海甸春風攬轡情。燕關驄馬去還鳴。
繡衣霄漢花間出。錦纜江湖樹裏行。
近日西臺多諫草。少年南國有詩名。
別絃更憶風流調。愁聽東城二月鶯。

送杭憲副兵備天津

天津橋北望京樓。金鼓東行節使舟。
日月晝懸滄海樹。龍蛇春壓九河流。
百年貢篚通南極。萬里旌旄屬上游。
莫笑談兵尊俎上。書生元不為封侯。

舒章曰如鼓吹
凌風琅然入耳

天壇雷道士院

帝宮高鎖漢郊畿。羽士琴書靜可依。
蘿洞晝棲雲霧入。石壇秋禮珮環歸。
叢叢晚竹臨風整。嘒嘒玄蟬曳日微。
渡海却思千載事。買山今恨十年違。

臥子曰結
更近情

送王御史德輝西巡

中朝御史重西巡，獨下青霄斧鉞新。
隴雪洮雲行塞日，胡琴羌管奏邊春。
蒲桃不博涼州地，天馬還隨漢使臣。
白筆萬人看氣象，肯令河外有烟塵。

舒章曰：丰采意，象俱極俊發。

送衛進士推武昌

少年佐郡楚城居，十郡風流盡不如。
此去且隨彭蠡鴈，何須不食武昌魚。
仙人樓閣春雲裏，賈客帆檣晚照餘。
大別山前江漢水，畫簾終日對清虛。

韓文曰：結得閒適，舒章曰：三四語生動。

懷寄邊子

汝從元歲侍，今皇誰念先朝老。
奉常一出雲霄空，悵望十年岐路各蒼茫。
春天縹緲金莖露，晝日氤氳紫殿香。
獨有楊雄尚陪從，白頭抽

筆賦長揚。

臥子曰元美愛此作不誣也

舒章曰聲情雙美

登樓觀閣時王今明叔邀張用昭段德光

王敬夫康德涵四子同遊

樓閣含風落照孤憑高千里視平蕪鳳笙錦曲

春縹緲瑤草金光晝有無採藥幾時尋碧海種

桃無復問玄都五陵冠劍豪遊地猶是長安舊

酒徒。

韓文曰此詩雄麗是太復暮年手筆但第六句用唐事殊有頽放之態

華州作東桑汝公

秋城雨色靜微塵過陝山河望轉新天上岳蓮

開二華雲中關樹引三秦追遊少小還今日浪

迹乾坤任此身乘興欲攀仙掌去未知登覽共

何人。

韓文曰太復秦中詩雄放自喜此其進步然隱然見潦倒之色

徐禎卿 六見

晚過獻吉齋所

皇明詩選 卷之十
端居聞子。肅清修。吏散鴉啼。省署幽。芳草不知人。獨往空山。何意鳥相求。開軒歷歷。明星夕隱。兀蕭蕭古木。秋自管風塵。堪吏隱。浮生莫遣有離憂。

燕京雜

韓文曰此王孟五言佳境

蘇轍詩集卷之六

開二華

臥子曰高岑七言律時有此境如迴風度雨高館張燈之類

今日就

好無雨

舒章曰駕空獨秀

蘇轍詩集卷之六

送廬陵楊二尹公

何卑執戟謝京華。却愛河陽縣裏花。不為遠師招白社。擬從勾令覓丹沙。青天挂席浮明月。翠水迴舟勝若耶。莫學南昌隱君子。離羣獨拂五雲車。

舒章曰韶姿遠態不在繩尺之內

贈別獻吉

爾放金鷄別帝鄉。何如李白在潯陽。日暮經過燕趙客。解裘同醉酒壚傍。徘徊桂樹涼飈發。仰視明河秋夜長。此去梁園逢雨雪。知予遙度赤城梁。

韓文曰與端居
聞子同是一調
臥子曰果爲
神到之作

送盛斯徵赴長沙

管愁越嶠千峯仄轉入巴渝萬里賒豈料聖恩
憐賈誼猶煩佐郡出長沙蠻中瘴遠三湘水江
畔春逢十月花遙聽岳陽樓上笛可能迴首憶
京華

韓文曰有意
在筆先之妙

邊貢 三見

寇中丞北撫宣府奉同南渠韻

守邊猶得近邦畿亞相權兼大將威烏府夜聞
關月皎戟門秋靜虜塵稀探兵入塞無傳箭勅
使臨戎有賜衣聞道六龍巡幸處至今嘗見五
雲飛

謁文山祠

丞相英靈迥未消絳帷燈火颭寒飈黃冠日月
胡雲斷碧血山河龍馭遙花外子規燕市月水
邊精衛浙江潮祠堂亦有西湖樹不遣南枝向

北朝。

韓文曰花外二語果是精巧結意更深

舒章曰三四語不稱余為改定似勝于前

王九思 再見

春興

憶在梁園逢雨雪。康王城北見黃河。信陵公子蕭條盡白髮。侯生感慨多。落白酒酣提劍舞。中流風起扣舷歌。十年徒侶仍稀濶。裊裊行雲柰爾何。

韓文曰氣渾是作家

顧璘 字華玉南直應天人弘治丙辰進士歷官刑部尚書

臥子曰華玉才調警麗但風格未高

擬宮怨

漢皇宮殿月明時。曾侍宸遊百子池。舞馬登牀春進酒。盤龍銜燭夜彈碁。御前却輦言無忌。衆裏當熊歎不辭。舊恨飄零同落葉。春風空遶萬年枝。

庚辰元日

諸侯玉帛會長安。天子旌旗下楚關。共想元
正趨紫殿。翻勞邊將從金鞍。滄江飲馬波先靜。
黃竹回鑾雪未乾。北極巍巍天咫尺。五雲長護
鳳樓寒。

韓文曰章法甚合寄諷亦渾舒章曰此為武皇南巡也隱諷中有實錄謂寧王已獲而御駕不歸耳

王守仁 再見

謁伏波廟

樓船金鼓宿烏蠻。魚麗羣舟夜上灘。月遶旌旗
千嶂靜。風傳鈴柝九溪寒。荒夷未必先聲服。神
武由來不殺難。想見虞廷新氣象。兩階干羽五
雲端。

韓文曰五六學究語然初唐有之

鄭善夫 再見

順門曉直

城上清鐘散御墀。曙鴉聲動萬年枝。天迴閣道
星辰迴。雲捧乾清歲月遲。內省尚承東闕旨。從
官稀見早朝儀。羈孤愁斷周南目。仙仗新傳到

其茨。

韓文曰繼之諸作亦每飯不忘君父而立詞各異不涉雷同以子曰回護處佳

九日與倪小野祝姑溪登觀星臺

秋盡繁陰苦不開散愁無計一登臺日邊聞闔
紅雲動塞上風沙白鳥來秦分正當金氣盛鴈
門未見玉音回百年與爾同羈旅九日徒歌黃
竹哀

壽日成禮奉天門

初日鵝啼宮樹林奉天高殿氣駸駸衣冠况值
千秋節太馬真懸萬國心白羽書來兵未解黃
河水落歲將陰龍旂鳳輦關山道邊事辛勤風
雪深

舒章曰時武皇在邊故有萬國懸心之句忠愛渾然

孟洋

三見

舒章曰望之七言律不疎不稚穩協可誦

登驪山絕頂懷古得寒字

翠巘丹梯雲霧端朝元高閣盛游觀芙蓉映日

皇明詩選 卷之十一
三峯出檜栢生風五月寒。花外旌旗春駐輦。柳
邊燈火夜迴鑿。漢宮秦墓俱荒草。渭水終南歲
歲看。

送柴光祿入賀

權歌聲裡望行舟。渺渺江亭草樹浮。卿月近移
龍虎關。使星遙映鳳凰樓。鶯花上苑逢春色。風
雨長安憶舊游。聞說聖朝求直諫。肯令汲黯
出皇州。

禁中春雪

長安正月逢飄雪。裊霧含風更可憐。高入雲宮
迷曉帳。暗流星館濕春筵。玉花自繞飛龍上。瑤
草偏承獵騎前。萬乘此時行幸地。詞臣誰獻上
林篇。

韓文曰

初唐

陸深

三見

秋懷

景物逢秋老。更成峽猿何。必斷腸聲。習家池上
歌如沸。庾亮樓頭月正明。萬里山川催木葉。五

更鍾鼓動。江城當年與賜金莖露。夢斷空瞻白

玉京。

舒章曰清迢不弱

王廷陳

四見

夏日宴集宋寶山別墅留贈

城闌未盡忽田家。心遠林塘近不譁。往事仍裁

彭澤柳。故人分種洛陽花。

圃內洛陽花二種陶子移自桂林者故云

看山倚杖移長晝。拂石開尊駐晚霞。莫道尚平

婚娶畢。更勞耕稼送年華。

韓文曰田闌語更不冷淡

唐

龍

二見

鎮西樓次邃庵韻

縹緲危樓百尺雄。雕甍丹柱映崆峒。月明青海

烽烟息。雲隔天山箭栝通。清夜角聲流遠塞。高

秋旗影拂長空。輕裘緩帶時登眺。胡虜長驅一

嘯中。

楊木慎

五見

春齋有懷寺中同館諸君

瀛洲烟霧玉堤陰。華蓋星辰接翰林。風動水漸
環御水。月明暗雪帶仙岑。上陽樹色知春近。長
樂鐘聲覺夜深。為問贊公房裏客。曇花貝葉對
誰吟。

臥子曰
華重

送彭幸庵尚書致仕

憶昔西征歌采薇。雪山萬里駐駉騑。總戎全蜀
風雲陣。紀績成周日月旂。諸葛蔓菁遺壁壘。陶
潛松菊舊柴扉。前賢出處真相似。雅志如公兩
不違。

轅文曰結
得雅淡

中秋禁中對月

漢家臺殿號明光。月滿秋高夜未央。銀箭金壺
催漏水。仙音法曲獻霓裳。路車天遠鸞聲靜。宮
扇風多雉影涼。千里可憐同此夕。美人迢遞隔
西方。

夏言 再見

雪夜召詣高玄殿

迎和門外據雕鞍。玉竦橋頭度石欄。琪樹瓊林
春色靜。瑤臺銀闕夜光寒。爐香縹緲高玄殿。宮
燭熒煌太乙壇。白首豈期天上景。朱衣仍得雪

中看。

舒章曰。文愍詩頗長。應制有形。模而少精色。此作亦近初唐人。

同郡夏完淳存古氏較

皇明詩選卷之十一

李 雯舒章氏

雲間陳子龍臥子氏同撰

宋徵輿韓文氏

七言律詩二

許宗魯

字伯誠。咸寧人。正德丁丑進士。繇庶吉士。授監察御史。累官。巡撫都御史。所著有少華集。

登湖山樓

樓在齊山

近郭危樓俯碧湍。倦遊孤客倚朱闌。淮肥山色

尊前出吳楚。江流盡裏看。旅思逢秋增短髮。鄉
心隨雁過長安。黃花白酒登高日。玉笛金笳起
暮寒。

舒章日結
語悲麗

巖

嵩

再見

扈從經九龍池

九龍池上駐龍旂。檜殿蘭宮鎖翠微。日出綵霞
籠瑞氣。霜迎黃鉞肅天威。雲中蘿逕千盤合。谷
口風泉百道飛。塵跡此中難可到。况陪僊蹕奉

恩題

舒章曰。諸扈從
作頗得應制體

恭扈聖駕幸承天發京作

禁城鐘動啓金扉。鳳輦時巡出帝畿。黃紙特頒
都護勅。緋羅齊賜從臣衣。祥雲捧日浮僊仗。芳
樹和烟隱翠微。遙想江湘歡父老。漢皇今覩
沛中歸。

楊侍御使蜀

江草萋萋江水長。使軺聞欲度瀟湘。開帆夜坐

星河色。戴筆春吟。杜若香。絲繡過家。非舊服。皂
襄還闕有新章。西州五月無炎暑。應避青驄滿
路霜。

臥子曰亦是
盛唐格律

曉登朝天宮西閣。遂飲東麓亭。有作

江郭晴烟翠且重。僊城紫閣坐高峯。杯前木落
蕭蕭影。天外鴻歸渺渺蹤。佳氣自浮宮苑樹。寒
聲遙送石門鐘。偶尋玄圃逢瑤草。擬接丹霞訪
赤松。

舒章曰第四句押韻未
穩五六秀遠從盛唐來

黃佐三見

橫州伏波廟

高灘危石鎖崔嵬。長夏風烟午未開。南海樓船
從此去。中原冠冕至今來。武陵一山風塵靜。銅
柱雙標日月迴。千載伏波祠宇在。漢朝何事有
雲臺。

轅文曰此臥子所
謂窺見格律者也

周廷用號人崖華容人
正德時進士

次水峽驛

隔岸長風吹白波。蜀江千里暮愁多。啼猿每聽
三聲下。飛鴈難逢一字過。滿眼黃塵馳羽檄。幾
時滄海問漁蓑。夜深月上灘聲靜。時有巴渝發
棹歌。

臥子曰渾成

有盛唐遺風

蔡

羽

字九達。蘇州人。正德中官南翰林。孔目。

玉河橋曉行

太液新波出建章。轆轤聲近漢宮牆。殘星拂樹

天橋淨隔屏。啼鶯禁柳長。紫氣凝香閣。北極蒼

龍乘日起東方。鷄人競唱垂衣早。銀燭光開鶴

鷺行。

舒章曰風

麗不之

轅文曰秀穩

可稱佳律

臥子曰景

色頗切

文徵明

字徵仲。長洲人。正嘉時官翰林待詔。以名德重于時。

臥子曰衡山詩尚平實

所收二律韻致都勝

轅文曰衡山以名德

持唐祝問詩亦不鈍

舒章日徵仲介節自
居二十詩喜其秀潤

閩門夜泊

閩闔城西暮雨收。西虹橋下水爭流。蒼茫野色
千山隱。突兀寒烟萬堞浮。燈火旗亭喧夜市。月
明歌吹滿江樓。鳥啼不復當時境。依舊鐘聲到
客舟。

舒章日結句意本
中晚以情致錄之

贈陳鳴野游金陵

金陵東去大江迴。高士雲帆向日開。一代風流

鸚武賦千年佳麗。鳳皇臺遠游自謂虛敖。漫多
難誰憐。庾信哀見說。冶城春未老。幾畱花鳥待
君來。

張時徹 四見

春日訪石窓山中

爾向青山早結廬。買田時藥近何如。獨憐公子
長垂釣。苦學虞卿數著書。星河晚映花間榻。燕
鵲春迎柳外車。瀟灑右軍真不俗。試開新釀膾
江魚。

法逸
轅文曰

徐氏東園訪馬都督承

錦衣驄馬霍嫫姚春日鳴絃獨射鵬芳艸池塘

涵日月青山臺榭亂雲霄虬龍倒掛東林樹烏

鵲晴飛白石橋陰洞花深人不到江城何處夜

吹蕭

吾來

馭子曰
流逸

樊

鵬字少南信陽人嘉靖丙戌進士官至參事

賢隱寺宴別張子言限字

寺門縹緲對青雲雲裏鐘聲落澗開白晝蛟龍

時並見青山麋鹿晚雙羣殿開碧霧千峯濕窓

掛香泉獨樹分明發長安萬餘里落花尊酒暫

留君

轅文曰少南與望之仲履俱宗大復而境地不及孟戴

蘇祐 三見

馭子曰舜澤二七言律格律精嚴聲調清亮咄咄軼羣而上余輩少有更易不

為無助焉

予歸入倒馬關作

南風吹雨。傍關來。關上。千峯畫角哀。老去尚憐。
金甲。在生還。重見玉門開。鷓鴣。引思歸。調虎
節空。慙上將才。聖主恩深。何以報車前部曲。
重徘徊。

舒章日三兩一聯此老絕唱
以年境當之彌覺真至其

李牧祠下眺望作

泉源冰竇入春分。鳥語花香遲客聞。戍鼓寒沉
龍塞月。夕烽晴。炤雪山。雲年來。近野多戎壘。時
過迴陽。幾鴈羣。險絕頗憐。今管地。莫教空說李
將軍。

轅文曰戍鼓二句余所更定
燭勝原本結句敘題亦老

屠應峻 四見

病起

東郭為園枕碧流。羣峯合沓俯林丘。村閒晝日
驅黃雀。客至晴溪散白鷗。璧月近臨珠樹晚。銀
河西指越山秋。思玄欲擬張平子。臥病無心詠
四愁。

臥子曰三四真五
六麗各不相掩

藝文日村落閒居乃能秀整信是麗才

徐獻忠

字伯臣華亭人嘉靖初舉人

金陵

南朝王氣昔分明。盛業千年復帝京。春樹久迷江總宅。寒江長傍秣陵城。三山落日明秋練。六苑輕風動早鶯。聞說高皇初駐蹕。闕江麾蓋定專征。

舒章日明

在不少薄

唐順之 三見

午日庭宴

南薰應律轉朱旗。火帝乘離錦席披。榴吐千花承羽蓋。蕙開五葉拂瑤墀。冰盤錯出仙人掌。金縷遙分織女絲。復道龍舟方競渡。銜恩共許向昆池。

臥子曰景

龍遺响

登喜峯古城時二衛貢馬散牧塞外

絕頂孤峯見廢關。短衣落月試躋攀。二秋豹旅方乘障。萬里龍媒正滿山。候鴈似隨鄉思去。寒

皇明詩選 卷之十一
花將送使臣還籌邊迂薄真無補空望伊吾抵掌間。

舒章日中四
聯氣雄事切

上張相公

惟中運策九州清。其說留侯在漢京。賜第近連平樂觀。入朝新給羽林兵。儒生東閣承顏色。西長西羌識姓名。却望上台多氣象。年年長傍紫宸明。

轅文日
工穩

試子日商長句似
後事然亦無傷

寄周中丞備禦關口

牙旗高建白羊東。鼓角殷殷瀚海空。雪後錦裘行塞外。月明清嘯滿樓中。幕南五部思歸義。薊北諸軍盡立功。燕領書生人共羨。一朝投筆去平戎。

舒章日三四語亦近
中唐而意景新爽

韓文日雪後一二語
秀切第六句率

臥子曰任少海有一聯云老去自吹秦箏策西征曾比漢嫖姚悲涼歷落不減

少陵而全首不甚稱附見于此少海名瀚應德同年也

王廷幹 再見

西湖觀 聖舟

六龍 清蹕幸甘泉。碧水徜徉入望仙。夾岸楊

花垂澗渚。極天鏡吹起樓船。森森羽衛分中道。

翼翼旌旄。遠川不盡西湖歡賞日。長逢南極

艷陽年。

韓文曰稍

近初唐

許應元 再見

得叔夏弟書并致江上見懷之作賦此寄

憶

九日閑曹閉白雲。庭開桂樹散清芬。茱萸寄遠

天邊到。鴻鴈蜚聲日下聞。江上愁心工入賦。楚

人芳草易離羣。西來不斷青山色。知向河陽舍

外分。

舒章曰意調清長

一結離情尤篤

皇甫湜 再見

與吳長洲

江城花色倍河陽。流水侵庭鳥下堂。曾識尚方新賜履。莫論遷客舊含香。閒揮綠綺青春麗。靜煮丹砂白日長。愛就雄居還載酒。時乘明月度滄浪。

臥子曰是應酬體難其清麗

王維楨 三見

贈蔡使君守衡州

楚鄉春望即炎風。去馬遙衝歸塞鴻。媚客柳條臨路待。到官蠻谷為君通。嶽形倒看清湘水。桂樹高攀赤帝宮。聞說五峯峯更峭。何當詞賦與爭雄。

韓文曰五六

寫景清雄

侯一元 字應乾 樂清人 嘉靖戊戌中進士 累官河南布政使

贈王相山督學

長江千里白波來。畫舸風輕五兩催。新雨曉看雷澤漲。冰壺秋映洞庭開。洲前落葉聞湘瑟。峽外飛雲見楚臺。詞賦郢中應一變。漢家方重馬卿才。

舒章曰風韻婉合

莫如忠 字子良華亭人嘉靖戊戌進士官至左布政

臥子曰方伯名德羽儀詩廟

轅文曰此詩集所不載從壁間絹素錄出頗覺可誦

任友人補官入楚

寒催栢葉夜樽虛興引雙旌雪外馳共羨賈生重謁帝却憐黃霸又分符楚天夢斷雲朝暮衡岳書來雁有無莫是郢中今邸第待君詞賦壯三都

胡侍 丹見

登漢武玄都觀

曲磴回谿數百重漢皇行幸有遺蹤海中不復來三島巖畔猶傳駐六龍碧露晴滋金洞草白雲嘗護石壇松便應別有登山杖策杖高尋玉簡封

舒章曰流藻甚合

劉繪 字嵩陽光州人嘉靖中進士

送吳祥雲赴趙總戎幕

星門昨夜耀龍文。大將橫戈正立勳。上谷不傳青海箭。漁陽新練水犀軍。金笳夜嘯樓前月。赤幟朝翻陣外雲。遠客莫辭千里去。滿堂殊履盡迎君。

舒章日調平體正

李先芳 再見

滕王閣

高閣嶙峋攬上游。還將歌舞向東流。劍江割據衡廬險。鏡柱平分吳楚秋。雲外片帆生極浦。雨中芳草遍青洲。江南滿地無舟楫。天畔何人獨倚樓。

早春文昌閣

一泓春水掛城頭。百疊遙山帶雪浮。地是謝公曾作郡。人如王粲舊登樓。松篁隔嶺開晴色。關塞連天憶舊遊。為報梅花消息好。憑闌不見使心愁。

韓文曰伯承殊子孟浪宜其見輕于同人此首亦粗具形致耳

方逢時 穿行之嘉魚人嘉靖辛丑進士萬曆時累官兵部尚書

鄭中丞出塞還邀宴于闐武堂夜中別去

賦贈

明庭稽顙見呼韓。九塞無塵斥堠閒。按部龍沙秋欲盡。論兵虎帳夜將闌。千旌曉拂青山影。笳鼓晴翻白海瀾。千古金湯須上策。期君談笑築

真顏。

舒章曰迎風拂

袖旌旆飛揚

韓文曰此是大將旗

鼓非偏裨跳蕩之師

臥子曰司馬久於

邊塞宜其雄切

李攀龍

六見

韓文曰于鱗七言律是

有明三百年來一人

臥子曰于鱗七言律有王維之秀雅李

願之流麗而又加整練高華沉渾固為

千古

絕調

送趙戶部出守淮陽

仙郎起草漢明光。幾載軍儲事朔方。五馬新為淮海郡。三臺舊署度支章。行車麥秀隨春雨。臥閣花深對夕陽。時憶上林詞賦客。鴻書遙下楚雲長。

皇明詩選 卷之十一
一四
韓文曰此是于鱗勝
場要以高秀為貴

崔駙馬山池燕集得無字

王家池館帝城隅。上客相如漢大夫。十里芙蓉
迎劍舄。一樽風雨對江湖。橋邊取石鯨飛動。臺
上吹蕭鳳有無。回夕不堪車馬散。朱門空鎖月
明孤。

韓文曰味其辭

氣似已喪主

舒章日結

語深靜

秋前一日同元美茂秦吳峻伯徐汝思集

城南樓

萬里銀河接御溝。千門夜色映南樓。城頭客醉
燕山月。笛裏寒生薊北秋。胡地帛書鴻雁動。漢
宮紈扇婕妤愁。西風明白吹雙鬢。且逐飛蓬賦
遠遊。

韓文曰全

首穩秀

送孫郎中守承天

鬱蔥佳氣漢江邊。今上龍飛北極年。過幸沛
宮三十日。飲裁留郢曲大風篇。仙郎珂散蓬萊月。

太守帷開橘柚天。明到為存湯沐邑。須知父老借才賢。

臥子曰應詔之作工穩典麗絕無游字此是于鱗長技

送劉貞外使黔中

特物萬里越王臺。北眺中原秋色來。江嶂忽分三楚斷。海天不盡百蠻開。白雲使者乘輶過。金馬祠官擁節迴。為泛昆明誇上苑。令知漢主自雄才。

臥子曰風流渾脫殆無以過

送皇甫別駕往開州

銜杯昨日夏雲過。愁向燕山送玉珂。吳下詩名諸弟少。天涯宦跡左遷多。人家夜雨黎陽樹。客渡秋風瓠子河。自有呂虔刀可贈。開州別駕豈蹉跎。

舒章曰本朝七言律境事多而神情必所以工于唐而不及唐也余嘗病乏故亟賞此等詩

送汪伯陽出守慶陽

中原萬騎却胡兵。客領銅符塞上行。大漠清秋

皇明詩選 卷之十一
迷隴樹。黃河落。自見秦城。別人自美西羌俗。漢
守誰高北地名。郡吏可能無薦達。還令介子乞
長纓。

送黃侍御按滇中

去矣乘風瘴癘開。西南萬里壯遊哉。登臺越嶺
山形合。攬轡昆明秋色來。周禮職方天外盡。漢
臣封事日邊迴。征蠻幕府今凋落。安得樓船下
瀨才。

舒章日結句典
則亦能遺意

秋夜白雪樓周公瑕

日落風清竹樹林。一樽飛閣敞秋陰。纔逢狗監
人先老。能到龍門客自深。海上共懸明月夢。山
中堪贈白雲心。陽春寡和休言誤。此夕因君作
楚吟。

轅文日寄
傲蘊籍

送暉員外按察郢中

醉擁驪駒不可留。送君花發鳳凰樓。青春開府
西陵色。到日登臺北雁愁。寒雨遠分荆楚望。白

雲無盡。漢江流。共知人世悲難合。儻得隋珠莫
暗投。

舒章日起調沉實結語
了寧離別情見乎辭

初春元美席上贈茂秦得關字

鳳城楊柳又堪攀。謝眺西園未擬還。客久高吟
生白髮。春來歸夢滿青山。明時抱病風塵下。短
褐論交天地間。聞道鹿門妻子在。祇今詞賦且
燕關。

轉文日起句

抑揚有致

歐子曰誦結句似
勸茂秦勿作客

同元美與子相公實分賦懷太山得鐘字

東順甫

域內名山有岱宗。側身東望一相從。河流曉挂
天門樹。海色秋高日觀峯。金篋何人探漢策。白
雲千載護秦封。向來信宿藤蘿外。杖底西風萬
壑鐘。

懷子相

薊門秋杪送仙槎。此日開樽感歲華。臥病山中

生桂樹。懷人江上落梅花。春來鴻雁書千里。夜
色樓臺雪萬家。南粵東吳還獨往。應憐薄宦滯
天涯。

韓文曰三四
意象森寂

天門宣武門眺望

白雲千里接胡天。雙闕遙臨碣石懸。漢苑春生
多雨雪。薊門晴色滿寒烟。五陵佳氣蓬萊外。大
漠青山睥睨前。夙昔黃金收駿馬。高臺空在在
誰憐。

韓文曰此句高
渾感慨無窮

郡城樓送明卿

徙倚高樓問索居。故人湖海意何如。樽中十日
平原酒。袖裏三年薊北書。大麓夏雲當檻出。石
門寒雨過城疎。明朝遠道空相憶。那得仍停使
者車。

登黃榆馬陵諸山是太行絕頂處

太行山色倚巔峴。絕頂清秋萬里看。地坼黃河
趨碣石。天迴紫塞抱長安。悲風大壑飛流折。白

日千厓落木寒。向夕振衣來朔雨。關門蕭瑟罷
憑欄。

其二

西來山色照邢襄。北走并州擁大荒。巨麓秋陰
沙渺渺。石門寒氣雨蒼蒼。天邊睥睨懸句注。樹
杪飛流挂濁漳。搖落故人堪極目。朔風千里白
雲翔。

以子日善

學子美

其三

禾峯郡閣望嗟哉。此日寒帷按塞過。落木悲風
鴻鴈下。白雲秋色太行多。山連大陸蟠三晉。水
割中原散九河。回首薊門高殺氣。羽林諸將正
橫戈。

趙州道中憶嫩卿

憶爾猶惟出牧年。風塵誰識使君賢。政成神雀
猶堪下。興盡冥鴻遂杳然。樹色遠浮疎雨外。人
家忽斷夕陽前。重來此地逢寒食。何處看春不
可憐。

臥子曰結句
不堪多讀

寄劉子成

書札清秋問解攜。郡齋吟眺楚雲低。大夫持憲
臨諸粵。使者徵兵出五溪。白日自流荒徼外。青
山不盡夜郎西。于今萬里看銅柱。何意中原厭

鼓鼙。

襲文日使事序景
寓感皆臻其妙

平涼

春色蕭條白日斜。平涼西北見天涯。唯餘青草

王孫路不屬。朱門帝子家。宛馬如雲開漢苑。秦

兵二月走胡沙。欲投萬里封侯筆。愧我談經有

鬢華。

轅文日諷致虛
婉音調琅琅

杪秋登太華山絕頂

縹緲真探白帝宮。三峯此日為誰雄。蒼龍半掛
秦川雨。石馬長嘶漢苑風。地敞中原秋色盡。天
開萬里夕陽空。平生突兀看人意。容爾深知造

化功。

舒章曰結意未可
解然亦無傷于體
韓文曰三四雄秀結寄
傲特亦可解但不佳耳

殷太史正甫至自太山為贈

明堂天子昔登壇。御道風流擁漢官。海色迥臨
三觀動。春陰不散五松寒。白雲忽向封中出。玉
牒誰從篋裏看。此日滿朝求禪草。相如早晚入
長安。

舒章曰
穩切

贈李明府暫請廣川奉送 景王之國

親王出牧年逢迎。東道借才賢。郎官舊列
星辰上。朱邸新開日月邊。千乘旌旂分羽衛。九
河春色護樓船。知君不廢鳴琴興。應教還操桂
樹篇。

韓文曰字
字工穩

送許右史之京

少年車馬日紛紛。老去誰應更識君。酒態美如
嵇叔夜。詩才清似沈休文。曳裾忽動梁園雪。飛
蓋兼停鄴下雲。試向樽前看過鴈。春風那不念

離羣

舒章日姿
情俱老

神通寺

相傳精舍朗公開。千載金牛去不迴。初地花間

藏洞壑。諸天樹杪出樓臺。月高。清梵西峯落。霜

淨。疎鐘下界來。豈謂投簪能避俗。將因臥病白

雲隈。

臥子曰。此李廌
聞梵高亮過之。

送張轉運之南康

此去專城又楚都。遙臨五嶺壓三吳。坐來齋閣

江聲合。忽傍襜帷。嶽色孤。白晝落星寒。劍氣清

秋石鏡滿。冰壺美人欲報瓊瑤賦。彭蠡春深鴈

有無。

臥子曰
結雅

舒章曰。三四。是
于鱗應酬語。

答嚴卿書

故人書札到寒溫。病起蓬蒿正滿門。彭澤妻孥

相對老淮南。賓客自言尊頌成。濁酒深知德投

皇明詩選 卷之十一
罷明珠始見恩。莫為尋嘗招隱士。山中轉復念
王孫。

韓文曰彭澤一聯
不甚令薄宦者見
臥子曰
新雅

答子與病起見寄

青門遙向汝陽分。伏枕傳書到白雲。已道風波
能失所。更逢搖落不堪聞。九歌自我思公子。七
發何人起使君。一日齊名千載事。驚心豈獨久
離羣。

韓文曰似沈雲州過嶺
首九歌一聯自出新色

子與病起移書二美吳下羣賢爰修禊事
踊躍勝遊遙為屬寄

伏枕經春憶舊遊。永和三日命扁舟。一時藝苑
人亡恙。千載蘭亭事可求。吳下山川何縕藉。王
家兄弟本風流。獨憐榻管傳觴處。有客中原自
白頭。

臥子曰意調極
近然情事甚了

送魏按察之潞

壺關上黨切。雲霄憲府中天插。漢標山勢西臨
三晉險。地形東控兩河遙。名從出守高郎署。策
本和戎寵聖朝。盡道疆場懸節鉞。猶能書札滿
漁樵。

舒章曰結處能暇

題南海栢臺甘露贈潘侍御

蘭臺使者憶長安。萬里雲霄攬轡看。忽報三危
開玉樹。誰分雙掌注銅盤。霜凝合浦明珠出。風
動增城瀑布寒。清論滿朝君不信。流光偏綴惠

文冠

舜祠哭臨大雪

雨雪號天慘曙暉。君王千載一垂衣。廷中左鉞
將軍出。海上樓船使者歸。紫氣不隨江漢轉。白
雲還傍薊門飛。孤臣賸有蒼梧淚。逐客瀟湘在
亦稀。

舒章曰結意深巧使人愴然

杜青州按察楚中

東方千騎古諸侯。憲府新開大楚秋。北海清風

猶滿座武昌明月更登樓。五雲過郢朝佳氣三
峽吞江擁上游。此地功名誰得似君家元凱自
荊州。

舒章日物
色佳合

過嚴陵

嚴陵物色動新年。解纜春回七里船。繡嶺更宜
殘雪映釣臺。高並客星懸灘聲乍合三江壯山
勢遙臨百越偏。此日青陽瞻帝座。羊裘深愧昔
人賢。

賦子曰三四賦景
生動結甚深厚

大閱兵海上

新開帷幄控朝宗。萬里波臣老折衝。海氣抱吳
遙似馬。陣雲含越總如龍。中流鼓應潮聲疊。下
瀨戈迴日影重。自有長纓堪報主。誰言白雉
竟難逢。

舒章日設景清
雄喜無獷氣

送陸從事赴遼陽

御苑東風吹客過。共看芳草有離珂。西山晴雪

鴻邊盡。北海春。雲馬。上多地。險時窺。玄菟郡。天
驕夜遁。白狼河。知君幕下。參高畫。諸將何時議
正戈。

韓文曰雅歌投壺
不減折衝之氣

河隄使者大司空。兼領中丞節制同。轉餉千年
軍國壯。朝宗萬里。帝圖雄。春流無恙。桃花水。
秋色依然。瓠子宮。太史但裁。溝洫志。丈人何減
湖臣風。

韓文曰憶與舒章臥子同作上
詩侯遜此作知前輩之難及第七句用
事太密亦為
連城之累

册立皇太子入賀

燕臺依舊鬱相望。玉樹金莖是帝鄉。鳳闕雙
懸雲五色。龍樓交映日重光。九天氣王旌旗動。
三殿風清劍佩長。伏謁不違顏只尺。十年西省
愧為郎。

舒章日時册立稍遲公為郎十年
至為外吏方逢其盛故結語云云
送羅大參之任山西

鳳門句注九關通。地接燕山。帝業雄。使者汎
舟從絳水。將軍轉餉入雲中。分藩忽壯。朝廷
色。開府深懸保障功。晉國莫強兵馬地。股肱何
但。數河東。

舒章曰結句渾實遂起全詩

和梁憲使過密詠天仙宮白松

是皇帝葬女處

孤根一託藥珠宮。不與茗華粉黛同。夜暗龍鱗
銜自炤。天清鶴影望來空。條封姑射千秋雪。蓋
擁蘭臺萬里風。非為子雲能作賦。誰知玉樹本

清蔥

臥子曰給雅

韓文曰本於燕公偃蓋之作而潤飾過之反遜其甚

王世貞六見

臥子曰元美七言律調必流麗對必精巧雅詞深致令人賞心

舒章曰元美諸體似不甚長惟七言之妙華動富溢掩映時輩不愧宗工
韓文曰七言律多高秀之辭沉着之色視諸體更勝要以流轉得之

書庚戌秋事

傳聞胡馬塞回中。候火甘泉極望同。風雨雕戈

秋入塞。宣大兵雲霄玉几。晝還宮。上自西苑書

生自抱終軍憤。國士誰譏魏絳功。北望蒼然天

一色。漢家高碣倚寒空。

韓文曰三四絃實事却

其二

長陵松栢氣成龍。極望蒼然總漢封。檠木西來

是符拔。扶桑東盡見朦朧。旌旗夜攝千烽偃。玉

帛春看萬國從。七萃貔貅今不乏。坐驕胡騎出

居庸。

送瞿師道太史使太梁 周府

長安草色上鳴珂。繁吹春調四壯歌。太史授圭

開赤社。宗藩如帶指黃河。天邊漢節蛟龍擾。雪

後梁園鴻鴈多。上客知君頻授簡。鄒枚詞賦未

應過。

韓文曰高秀不可多得

送汝康柳州再徙徵江

汝游桂嶺疑天盡。更入滇方覺地寬。明月江帆

懸萬里。瘴雲山樹鬱千盤。莫將詩句題蠻府。自

有威儀。識漢官。橘柚秋風。今實否。高飛鴻鴈滿。長安。

舒章日結句
托寓殊古

和合驛

十年塵暗薊門樓。萬里風來漢使舟。挂席晝移。橫海日。鳴橈秋蕩大河流。孤城奏角黃雲合。遠戍逢砧白鴈愁。吾道豈應長躑躅。乾坤此去有

滄州

臥子日結浩
易有深思

送史僉事兵備邠涇

史君大司馬道子
時方與虜開馬市

汝過崆峒劍色開。輕裘千騎擁登臺。旄頭夜向黃河出。汗血秋從西極來。置陣自傳司馬法。折衝真有臥龍才。只今燕代論攻守。沙海風生畫角哀。

履善比部歸自嶺右賦此問之

聞君八月下牂牁。銅柱天荒使者過。桂嶺風來秋色早。盤江木合瘴烟多。夷童夾道誇椰酒。蠻女穿花出櫂歌。向識子雲奇字擅。近來詞賦更

如何。

韓文日描寫風

上難其迥秀

奇章曰履善詩好

作解語故結云云

寄贈楊仲芳武選

當時爾拜尚書郎。天子宵衣問朔方。一疏中

興迴日月百年恩。譴薄風霜宛城晝。閉名王馬

漢壁晨馳大將牀。突兀黃金秋色裏。復看前箸

借明光。

臥子曰時仲芳

以論邊事謫

贈尹生

當年結客度居延。一騎曾驚虜陳穿。七首長寒

燕市雨。旄頭不斷薊門烟。青春射策當三殿。黃

石傳書定幾篇。自是驃姚新領部。單于秋祭莫

臨邊。

其二

入朝初着鷓鴣冠。白馬雕弧夾道看。久見中原

傾劇孟。兼聞少府識任安。枝頭楊葉飛星過。匣

裏蓮花映日寒。間逐孤兒春草獵。獨身西去斬

樓蘭。

臥子日用事細帖與點鬼不同

送子與祀 康陵

佳城蔥鬱鎖楸梧。武帝神游定有無。金榜星辰千嶺逼。翠旗風雨萬靈趨。俱傳駿足留瑤海。亦有龍髯墮鼎湖。此日詞臣空灑淚。獻陵春望已模糊。

舒章日記 康陵而望 獻陵意自深隱

同省中諸君過徐丈

詞客真同河朔游。主人偏解孟公留。高城雨過涼生席。殘夜花明月滿樓。紫玉行杯彈出塞。紅牙摧拍按伊州。更憐少日闈門侶。菱葉芙蓉湖上舟。

韓文曰 清逸

祈雪齋居次峻伯寅長韻

畫省森沈坐掩門。齋心應自遠塵氛。僊郎曲調裁春雪。武帝祠壇禮白雲。天濶苑鍾空外度。夜寒宮漏夢中分。柏梁何限豐年頌。今日瓊瑤祇

報君。

送張肖甫徵金嶺西道便道還蜀

薊門擐甲待胡烽。海內軍須不自供。赤羽去看
新使者。黃金歸隸大司農。界標銅柱天垂盡。人
過蒼梧瘴幾重。聞道壯游仍衣錦。春來車馬醉
臨邛。

舒章口五六
屬對生動

贈薊州周都督

當年突騎滿漁陽。幕府寧空赤白囊。一自軍容

開細柳。能令烽色避長楊。揮鞭坐畫樓。煩地鳴
鏑。遙飛瀚海霜。馬上饒歌平虜日。好翻新曲顧
周郎。

贈別陳信可比部使閩便道還吳時兩地
俱有烏寇之警

馬首春星雙玉珂。五陵花發奈君何。俱稱使者
朝天去。獨有樓船駕海過。野戍烽烟諸粵滿。人
家雨色八閩多。歸逢父老無相難。好請長纓繫
烏侬。

行部高陽遇河決不浸三板遂成

投馬虛疑捷石成。射蛟或恐海神驚。陸沈玄圃
千峯細。天倒黃河萬堞平。漸老中原魚沸鬱。欲
歸南極虎縱橫。濁醪誰是高陽侶。遙夜窮愁白
髮生。

臥子曰五六句
新對亦極自然

立春前一日過尹汝漁副使飲

東走齊河水雪開。鬱蔥佳氣近樓臺。相逢臆向
尊前盡。敢道春從使者來。落日千門飛鴈去。黃

雲一騎按鵬迴。知君且住袁絲里。陸博酣歌未
易才。

轅文曰三四流
便第五句健

舒章日結
語新逸

春日閒居雜懷

故人相慰檄書稀。又見徵兵解越圍。敢向東方
誇賜履。可因南國賦無衣。家家砧杵鳴春月。處
處戈船繫夕暉。聞道封侯須健手。羽林生長自
輕肥。

臥子日結
句隱諷

奉贈少司馬麻城劉公統京營兵

壇成車轂。帝親扶。匣裏吳鉤。玉轆轤。持節盡
監諸較尉。請纓還繫五單于。期門畫靜。圍牙戟。
畫室秋嚴。下虎符。却憶華容。舊司馬。孝皇頻。
按九邊圖。

登岱

尚憶秦松帝蹕留。至今風雨未全收。天門倒寫
銀河水。日觀翻懸碧海流。欲轉千盤迷積氣。誰
從九點辨齊州。人間處處襄城轍。矯首蒼茫迥
自愁。

送周中丞允文遷撫江西

聞公移鎮古洪州。童穉驚呼父老留。一疏吳天
迴菜色。十年滄海捲鯨流。江雲對擁中丞節。山
雨長飛帝子樓。其道袞衣多竹望。不知何地更
東周。

寄耿中丞子承

黃龍東去海雲低。玄菟城頭烏夜啼。帳下青羗

皇明詩選 卷之十一
新屬國軍中白馬舊安西。牙旗月擁諸陵出。甲
帳天迴萬堞齊。最是駝酥爭捧處。不妨飛捷醉
中題。

臥子日起手雄貴中聯屬對鬚
帖精勁結有豪態果為傑作

貽王百穀

王郎風調好誰倫。手裂軍繻再入秦。雅有暮雲
橫碣石。絕憐春色散平津。絃中白雪寒相語。鏡
裏清霜曉自新。我欲東歸君且住。豈無能誦子
虛人。

轅文曰風

致深雅

臥子曰時袁相卒
故有平津之句

戚大將軍入帥禁旅枉駕草堂賦此贈別

初聞小隊駐吳江。忽漫花溪隱畫艫。細柳尚虛
金鎖甲。前茅時緩碧油幢。南中舊部思馳義。塞
上新城喜受降。倘寫雲臺須第一。如論國士總
無雙。

舒章曰戚將軍欲用

浙兵故第五句及之

轅文曰

穉麗

寄濟寧朱公

十年蓬累臥江東。兩見脩鱗濟上通。天畔星為
中、執、法、人、間、水、屬、大、司、空。樓、船、晝、集、沙、河、雨。壁
馬、秋、歌、瓢、子、風。轉、餉、自、來、勲、第、一。璽、書、何、日、未
央、宮。

臥子曰天畔一聯
詞雖琢而意渾

曾中丞以三自西川入為少司馬過郢北


上

青雲紅旆擁金鞍。過郢毋辭春雪寒。此去長安

真自近方知蜀道不為難。西川慣領中書印。掌
武初辭柱後冠。多少籌邊樓上策。漢庭先已縛
呼韓。

同郡夏完淳存古氏較

呈明



皇明
世宗

卷之二

三

